

元憲集卷十八

宋

宋

庠

撰

表

十月一日奏告南京鴻慶宮太祖皇帝表

伏以告朔紀常戒寒協序瞻言像設載極時思恭惟尊
謚皇帝功冠往初道隆燕翼肇王基于有截享天配于
無窮適履孟辰永懷遺烈

十月一日奏告永定陵真宗皇帝表

伏以就盈紀月可閉成冬惕悽愴于非寒悼劬勞于罔

元憲集 卷六 一 參 晉 校
極恭惟尊謚皇帝道勲冠古德澤涵幽罄圖牒以輸祥
擁慶靈而祚世眇冲攸賴推感何云

十月一日奏告永定陵莊獻莊懿莊惠皇太后表
伏以寒律甫升孟躔適會方班吉朔實感先慈恭惟尊
謚皇太后德茂坤元化流椒極溢話言于彤史闕柔景
于仙園追荷顧存舉成哀塞

十月一日奏告西京應天院太祖太宗真宗皇帝
表

伏以冬朔肇端孝心叢感仰別京之淨刹肖華袞之真

游恭惟尊謚皇帝神化溥將睿謀燕翼早肅在天之御
參綿卜鼎之期方荷慶圖敢忘時惕

十月一日奏告永定陵真宗皇帝表

伏以天運弗停水行茲始感霜露非寒之惕結衣冠游
月之悲恭惟尊謚皇帝功濟三靈道包衆甫軼鴻名于
上世叢寶訓于來昆皇照靡渝時思罔極迺瞻靈寢無
喻哀悰

十月一日奏告永定陵莊獻莊懿莊惠皇太后表
伏以冬管命時歲陰布序俯愴戒寒之候聿深追遠之

元景集 卷之六 二 繆晉校
思恭惟尊謚皇太后坤載輪和人倫託始藹母闈之慈
範溢女史之芳猷茂庇眇冲永懷顧復淒凝肇集感塞
何云

年節賀皇太后表

元朔甫新羣萌後達因慶儀之在旦感慈訓之違顏恭
惟尊謚皇太后徽範映辰柔風冠古擁慶靈而祚世育
微眇以承祧追荷恩勤永焉摧塞

賀西京應天院太祖太宗真宗表

伏以瑞歷開端羣萌達氣當治朝之普會極仙駕之永

懷恭惟尊謚皇帝道冠往初文包載籍恢世年于鼎卜
盛詒燕于孫謀仰賴丕休益深遐感

中元節奏告南京鴻慶宮太祖太宗真宗皇帝表

伏以商瑄開秋舒輪旣望感芳時之將謝邈仙駕以長
違竊仰神姿素嚴靖館本弓劔軒臺之畏謹衣冠漢廟
之游適履令辰敢通哀悃

中元節奏告永定陵真宗皇帝表

伏以秋序迎郊望辰旅夕邈企山園之重載驚霜露之
濡按歷未違因心若隕惟百靈之護野協六氣之在天

嘉節甫新哀悰永歆

乾元節內中謝真宗皇帝表二首

臣忝荷先謨紹膺丕歷爰屬誕辰之慶實資聖系之開雖著節有常而銜哀罔極惟期慎守少答垂鴻

臣猥以眇躬紹承丕構因誕辰之攸屆感先顧以如存恭惟尊謚皇帝茂烈欽明深仁溥博蹈百王之高致詒億載之宏模曾是適追敢忘善守幸循寶訓迄此昌期惟勤日慎之誠仰答天靈之貺

乾元節內中謝莊獻明肅皇太后表二首

伏以載震紀辰相沿著令爰覽慶儀之舊恍驚慈訓之違矧熙盛之紹臻固保安之所及永懷懿烈但極哀悰伏以司夏凝和厥生名旦率朝歡而惟日緬慈訓以長懷恭惟尊謚皇太后德配坤靈化均天覆深戒練衣之儉勗成黃屋之勤事閔仙游感叢慶日庶謹承平之治永全保祐之仁

乾元節內中謝莊懿皇太后表

臣孱薄承基劬勞託慶方訂露囊之舊追懷甲觀之祥恭惟尊謚皇太后淑聖凝姿謙勤樹德飾尊名于嫔廟

留懿範于堯門慈訓所鍾眇躬攸賴永言顧復曷報生成

乾元節內中謝莊惠皇太后表

伏以訛致御辰誕彌紀節因紹修于慶會聿追慨于慈顏恭惟尊謚皇太后寶儉成猷體仁逮下參顧存于先命專擁育于冲人獲嗣丕基率茲柔訓敢忘勵翼少報恩勤

冬節賀南京鴻慶宮太祖皇帝表

伏以周歷紀正魯儀候物感迎長之命節惕追遠以叢

思恭惟尊謚皇帝握紀先天開圖罄宇翼孫謀而可大謹神教以如存仰慕睟容式安真館未遑恭拜增極哀悰

冬節賀南京鴻慶宮太宗皇帝表

伏以天統肇新朝章有慶緬動時思之感式瞻像設之嚴恭惟尊謚皇帝至德孚先洪規裕後享周廟不祧之配留軒臺如在之神仰庇孫謀誕膺邦祉敢忘厲惕永答延洪

冬節賀南京鴻慶宮真宗皇帝表

元憲集 卷六
伏以氣運循元星躔迺至感霜露非寒之怵極衣冠游
月之懷恭惟尊謚皇帝道格無方威覃有截迪長源于
浩劫正垂統于來昆尚託仙祠仰延威御式臻嘉節敢
致哀誠

冬節賀永定陵真宗皇帝表

伏以歲律就陰冬元復始禮緣朝慶感倍時思恭惟尊
謚皇帝躬蹈聖猷誕膺耿命勒號榮而高世詒統業以
當天神駕夕躋仙園在望永懷丕烈罔喻哀悰
冬節賀永定陵莊獻莊懿莊惠皇太后表

伏以流景弗居微陽載始爰屬嘉辰之會永懷慈訓之
遐恭惟尊謚皇太后淑哲綏猷儉慈寶德茂擁存之善
教協詒燕之深仁運隔仙游感鍾長日展巡未卜哀涕
無從

冬節內中賀露香表

伏以律肇初陽景回南極育幽萌而有漸翕繁祉以惟
新席眷上靈布和嘉節敢虔芳著用達精誠

降聖節內中謝露香表二首

伏以璿極監觀雲輶降格夙昭曠瑞寶紀靈辰繫冬序

之下弦緬仙游之駐駕敢忘薰奉仰答禧祥
伏以仙御降監靈辰著令每屬孟冬之屆緬懷真蔭之
隆爰卽禁庭奉嚴寶炷冀憑芬潔永導寅恭

天貺節內中謝露香表

伏以月集函鍾適迎于善氣天垂綠錯爰紀于休辰緬
懷瑞節之端實表先真之志允依層禁恪奉名薰寶睭
孔昭繁禧永賴

先天節內中謝露香表

伏以順啓秋辰素標瑞節肇先媒之寅奉迹寶蔭以惟

遐爰祓名薰上瞻沖境精衷有嚮茂嘏攸綏

乾元節內中謝露香表二首

臣某言伏以序協恢台辰標震夙享萬官之稱壽荷六
幕之叢禧祗燎名薰通誠寶宙益祈鑒顧永祐繁昌
伏以維夏開端厥生逢旦循邦令祝延之會感天俾熾
昌之祥虔奉名薰上通真界更期勵翼永輯休嘉

遂州天慶觀開啓爲民祈福道場密告三清表

伏以西土奧區民生惟錯上清寶貺天鑒攸精繫道樞
應物之宗有法醮祈祥之式已蠲靖館卽啓靈場敢密

罄于虔誠冀嚮臻于介福庶茲黔細普荷熙康

爲南郊下元節更不于景靈宮朝拜奏告聖祖內

制表

茲者順攷禮文謹修郊報預涓辰于齋戒將致饗于仙
宗惟水官校籍之辰有霞館奉觴之舊敢停常謁專戴
盛儀沖鑒孔昭篤誠茲諒

爲南郊冬節不備薦饗奏告眞宗皇帝莊獻莊懿

莊惠皇太后表

伏以近卜天正紹修帝配聿嚴備物親款太宮惟盛禮

之方虔懼別祠之致黷敢停常薦庶一齋誠

爲南郊于大內在京外處道場所恩保安聖躬奏

告三清諸聖表

伏以諏日仲冬致誠吉時肅陳齋輅將次陽郊雖祓濯
之載虔賴聖眞之潛護庶成嚴配永迓繁禧

爲南郊于大相國寺道場所恩保安聖躬奏告諸

佛表

伏以廟禩惟嚴郊薰有典已涓景至躬迓神休將勤陟
配之容願集綏寧之祉等慈無間妙蔭焉依

元憲集 卷六
八 繆晉校
為南郊于景靈宮道場所恩保安聖躬奏告真宗
皇帝表

伏以清廟告虔紫壇陟配咸先期而歲事方率力以奉
神惟是眇躬庇于先蔭益希保佑用克欽承

為南郊預告天地社稷表

恭以三載克禋禮遵舊典百神竝秩義重親祠俯冲眇
之纂臨荷清寧之貺施洽臻嘉運丕冒羣生宜躬執于
豆邊克奉承于郊廟庶勤大事仰答靈休涓日有期薦
辭惟恪

為南郊預告太廟表

臣紹承謀訓獲擁基圖茂臻太和實庇餘福祇事陟配
不敢疏忽三載而舉抑惟舊章幸緣歲成躬展郊報仍
期禋獻用罄孝思繕禮有初薦信無昧

為南郊預告后廟奉慈廟表

恭以報本奉先是均明察薦馨盡志以一親尊緬惟郊
配實稱祭首必躬而信敢憚于行屬茲順成圖厥祇事
謝告吉土紆慨闕宮方謹先期用虔孝祝

為南郊預告在京諸廟表

恭以郊報之虔厥惟盛典景長之序允協靈辰爰卜親祠式揚大號咸秩之禮來饗有期眷惟神聰胥祐邦慶

太廟雅飾奏告表

恭以郊配有期裸迎惟重瞻言清廟前戒庶工以時修除用謹齋謁歲事伊始薦信敢稽

爲南郊預前內中奏告露香表

伏以帝時有嚴齋鑿竚駕紛盛儀而允集率精懇以方初敢奉名薰上通虛界冀孚眷佑永保綏寧

爲南郊預前奏告內中壽寧堂皇儀殿諸佛表

伏以陽管將新郊祠有報冀微茂嘏宏庇斯民方躬展于盛容更旁休于妙蔭永康國步胥契慈緣

爲南郊預前奏告內中福寧殿玉皇北極諸聖表

伏以天統揆辰陽郊展報萬靈胥接四海駿奔率禮載虔惟神所相式通齋懇用竚冥休

爲南郊預前奏告內中東園門聖祖天皇諸聖表

伏以涓序一陽薦馨有昊已戒期于廟時將躬執于牲壇力是多儀理資冥祐敢緣齋告用集禱祥

爲南郊預前奏告內中神御慈德二殿諸帝后表

伏以祗率舊章恭承嚴配聿奏齋明之式將勤信次之行靈蔭所敷眇躬是賴庶成熙事無累先猷

為南郊預前于永定陵奏告真宗皇帝莊獻莊懿
莊惠皇太后表

伏以推策涓辰燔柴令典適勤眇質躬對上靈惟齋禱之多儀竝訓謀之成式更祈慈蔭助集鴻休

元憲集卷十八

元憲集卷十九

表

謝郊祀加恩表

宋

宋

撰

撰

禮天拜胙甫畢于鴻儀括土均休汎霑于異數罔功內省悸魄無從

中謝

竊念臣本以空疎誤承簡拔玷從官

而積歲尸榮祿以浮人凡最所更風猷茂樹曲荷天私之覆靡循官式之常超踐諫垣預聞宰政屬兵農之竝講當朝夕之勤咨徒竭陋愚無裨紀律力窮猶駕衆知

敗馭之傷物重過權始驗持衡之殆遭時寬政勿汝深
疵假淮國之一麾貿龍躔之再集皇心念舊祕秩升華
移守汶田坐豐周粟會于郊而陟配嗟守土之恪居微
藿翹誠孤匏擁歎敢謂伏蒙尊號皇帝陛下回輿作解
舍爵推慈因勞臣工之勤胥暨州藩之廣綸書懋賞星
驛馳音衍多邑于舊封倍榮租于真實命成難拒恩溢
無涯矧籩豆駿奔莫覩陪祀之盛而公卿奉引了無承
乏之勞逮流慶之叢臻亦覲顏而虛受忍慙云極度德
奚堪惟餘頂踵之微或効涓埃之報臣無任

謝南郊加恩表

禮成陟配賞洽均禧優命聿頒兢心靡據臣誠感誠懼
頓首頓首竊念臣本惟寒士獲玷近班嚮自禁庭舉參
宰府斗筭受任尋貽不稱之譏天地好生終靡加誅之
忍特由諫署出布藩條積媿盈顏樹聲寡術屬陽郊之
大報罄率土以駿奔而臣越在守封舉深存闕無攝事
贊儀之幸有隳官去國之悲何圖拜胙之辰亦沛明縉
之典書勲八柱爰極于上階進戶列侯更陪于大邑寵
章叢被悸魄九升此蓋伏遇尊號皇帝陛下誕擁乾休

洽敷人爵因雷風之大號席簪履之餘恩洒濯深疵振
除往咎謝生無所固推不報之仁失旦思鳴或取自新
之效大猷雖爾弱植奚堪徒誓銜銘未知酬塞臣無任

謝崇文總目加恩表

竊念臣早以片文誤階榮牒序服星垣之職入陪鑾禁
之游凡在官司多塵總領爰屬仙瀛之藏廣收蠹簡之
遺皮閣寢盈籤題罔辨特迂詔旨就擇時英俾分討于
藝文且精求于領目遠襲九流之別近尋四庫之規通
質舊章日程新課而臣首膺遷擢最買歲時未終刊謬

之功已忝參機之舉緹鉛清局別委于俊僚山藪寬恩
尋投于外服逮諸儒之卒業非孤臣之預知比者伏蒙
皇帝陛下垂覽新書嘉聞善職追念摩編之久靡遺尺
寸之勤爰俾罔功亦膺蕃數茂進文階之品真疏幹食
之封媿集榮先獎浮願表上中經之簿莫接于清班出
內史之方何勝于渥訓仰被燭幽之詔未知論報之階
臨啓徘徊言因謝盡臣無任

謝降詔答諭立御書梵字碑表

寶文就刻譯侶叢歡因善護之成功虔率和而露奏紆

頒制墨俯煥塵襟中謝伏惟皇帝陛下將聖自天大猷
覘古丕承下武之緒兼通西聖之言闡其洪慈衛我羣
品惟梵文之流布乃佛說之信傳雖曰旁行實存成法
此乘聽斷之裕悉標聲畫之元譬震旦之六文謹舌人
之異說氣瞻雲漢文含日星奮天藻以題辭勒媧珉而
庇宇古今參驗非科律之難分華竺雙提若迦陵之親
演而臣幸陪法席親覩帝華不勝鳧藻之情用列縑囊
之感方塵清覽遽錫溫辭覺苑同文已預人天之會尚
方乙牘更膺緝紉之褒徒篆情涯曷酬恩遇臣無任戴

天荷聖激切屏營之至

進觀御書梵字詩謝降詔答諭表

轅首頌聖方恧于斐狂綸檢垂慈更加于褒獎觀文眩
目拜賜兢心竊念臣仕籍叨榮儒林廢業浮玷疑丞之
地皆陪潤譯之場探內學以非優撫鈍根而永慨幸遇
皇帝陛下欽揚祖烈丕護真乘因竺館之先規續貝書
之妙蘊盛延開士深究旁行對翻華裔之音博采形聲
之說法宮多暇書苑留神爰御寶趺親題梵畫仍冠篇
而善敘且作刻以垂芳紉殿雄成祗園聳觀實睿才之

待詔之華唐署鑾坡緒劄司言之祕預規中之訪逮極
朝右之凝嚴聖世尚文豐規冠古慎咨碩彥增暢皇猷
顧崇簡之有初奚下流之可冀如臣者斗筭均量舟劍
懷愚偶自諸生幼親樸學天聖初元光華甫協幽側竝
擢遭會時來玷塵舉首自禡巾而補吏洎縹組以通閨
番直史庭試煩財府寸長靡効曠度兼容弗誅畫餅之
名更備星垣之乏雖復奉行王訓判攝事經出入四基
綢繆千慮終取伐檀之謂方期汰礫之逃敢謂伏蒙皇
帝陛下式序衆勤俯收介善記甲科之前幸察孤進之

無他召自綸闈齒于鼇禁矧典司至重號令惟幾慎方
出之文義無反汗奉席前之對威不違顏自揣懦庸將
焉報稱然當奉循丕式載淪蒙襟希皮弁之守官免纏
牽之貽累微生易隕洪覆難酬臣無任

河陽謝到任表

進聯省坐易撫侯封促駕啓行適臨治所選辰署事初
布藩條祇荷獎甄不勝榮懼臣某誠感誠抃頓首頓首
竊念臣一蒙策免三寵州遷祿有空餐官無最狀嚮屬
盟津之缺守猥煩漢札之疏恩升秩夏卿增華使棨仍

因便道特許過都朝推念舊之慈禮借儀台之重孤心
易感危涕難收尋迫王程遽開郡閣此州據山河之會
擁周晉之交列戍分城造舟濟險隄防甚設譏邏爲嚴
雖曰近藩實名雄鎮然而累年饑旱比日沈災東有漕
渠開塞之煩北有計檄誅求之苦使多緣隙民罕聊生
臣敢不略去煩苛勤加綏輯庶臻還定少副憂勤俯循
備禦之餘曷稱惟良之寄此蓋伏遇皇帝陛下俯矜忠
樸本乏同游因寰服之輿區進天臺之峻品曲加存遇
終保衰遲身遠天高恩深語拙惟有涕泗尙冀感通臣

無任戴天荷聖激切屏營之至

揚州謝到任表

淮海奧區圭符假守揚舫戒道止涉安流引紱視章卽
頒聖詔舟轂一都之會夫家萬室之繁去國匪遙偃藩
何幸臣某誠榮誠懼頓首頓首伏念臣稟姿蒙拙陶化
亨嘉始擢草茅寢階纓繒斗筲量淺丞史願微常蹈道
以自安敢越思而希進猥由文館入忝詞垣俄自禁局
召參台府此際清衷素定靡復類能羣議雖諠罔容收
渙因懷自勵訖稱大恩而淺謀不足以計深慮妄思

夫效智叛羌負德邊上宿兵亟會宰司參圖戎索廟堂
集論或率己而妄言帷幄定謀卒因人而免悔曾微寸
效可益萬分至于進策治朝敷言庶位纖悉咸資于睿
斷周旋莫企于清光備位踰年妨賢積日雖官箴挈矩
僅守匹夫之廉而公路須才安稱明君之蓄加以瘁冥
自稟濩落少機言或漏于屬垣疑多成于納履積爲怨
咎仰玷和平矧當責實之辰宜被黜幽之典伏遇皇帝
陛下兼容如地載煦爲春盡赦多尤止停貳職仍七人
之舊列總千騎于大邦假以便安紓其惴慄顧微生之

再造濱十死以何辭謹當斂分思愆首公營職因楚人
之旣教濟漢令之在寬乘乃化孚期于政辨然念操心
易感實本于孤臣求舊與歸更依于仁后視風波而累
息僭絲路以迷魂臨啓怔忡心隨涕隕臣無任

鄆州謝到任表

西清祕秩式寵儒林東夏奧區更均邦翰參爲異數猥
集孤臣祗荷甄收舉增惶震中謝竊念臣斗筭近器韋
布諸生興于羈旅之餘玷厥殊科之選嚮階華劇進頂
疑丞遭百度之交修乏寸長而上報久蒙君養曷逃尸

素之慙終不汝疵寢累含容之德逮從外補方涉再葺
前忝未酬來譏已積敢謂伏蒙皇帝陛下曲全邦體申
獎官成枉漢札之深辭易汝田之巨鎮冠升殿職寵映
藩條仍加別使之名兼撫連城之重矧惟州部匪遠寰
畿津陸交途農商宿業封巒在望澤多膚寸之滋鳴杼
如聞野有儲胥之舊茲焉委任允屬循良退念散材曷
勝優委敢不率循不憲上體至慈蠲獄市之煩文濟詩
書之美俗庶幾安輯少副憂勤自餘頂踵之微或効涓
埃之報辭殫語拙感激何云

進國陽大報頌表

臣伏以日在大初之歷是謂履長天隨帝者之居茲焉
臨饗挖三垓而昭事坐兩觀以均禧徧朝真馭之下都
翕受羣元之厚福含生鼓舞協氣陶烝忝蹈德以泳仁
宜交中而發外中湖竊念臣單門下品弱植淺中被至
化之純深副大猷之餘緒翹然在泚廁君子之育材間
或登高乏大夫之能賦屬承平之嗣且講容典以和神
南北異正而竝修祖宗以侑而交獻周游六氣乘之而
健行盼蠻萬靈屑然而著感目美光之若晝欽衆瑞以

如山矧當清道之辰已預皇軒之引瞻威咫尺稟訓螽
蝓慶千載以親逢暢四支而內抃幸聯儒館難默頌聲
慙積日以庀詞邈談天而幾殆僅成累句式贊盛容均
子夏之一詞曷案原缺一字邦體本虞初之小說敢預家流
仰瀆程觀彌增震媿謹夙夜齋旆撰成國陽大報頌一
篇隨表上進以聞干浼宸辰臣無任

傳法院乞降御集編入經藏表

臣聞帝藻垂鴻本春山之秘蘊金言輯教極龍藏之寶
嚴迹夫翰墨之傳均乎天壤之永矧當盛際抑有豐規

敢露虔衷仰資外護臣等誠惶誠懼頓首頓首恭惟皇
帝陛下道包睿哲化格清寧總民極以無煩陶天倪而
不宰多能攸縱衆善咸甄眷佛譯之清場本神宗之妙
刹香壇具牒慎宣使範之雄綈帙牙籤對比儒林之盛
克延慧命參固不圖然念永熙以上聖之姿首敷神教
真妙以至仁之度益闡慈源竝因機務之閒恣探空有
之理宸章睿采法語仙音率賜助于禪詮已冠升于釋
部陛下紹隆先志宏暢宗風每緣聖作之華備獎真乘
之奧人天抒歎象緯交輝縣涉歲時寢盈策牘未序寶

題之次曷聳沙界之聞臣等叨服宰司兼榮法館悵鈍
根而懵學依洪覆以知仁願續前徽俾資善述欲望聖
慈許以自來御製應干釋宗文字降賜傳法院令繹經
三藏試光祿卿沙門惟淨等依例編綴竝入經藏目錄
庶茲總括庸盛發揮茂彰奕世之能高映羣篇之首且
孚大覺永庇含生饒益之多名言曷喻干冒宸辰臣等
無任

謝加職移知鄆州表

輕輶將命祕殿參華易守東藩治行便道寵章繁集媿

汗交流臣某誠榮誠懼頓首頓首竊念臣世系單平天
姿淺固親邁尚文之會首叨擢秀之科因士易農緣名
責實褫巾未久通籍爲榮乘善養于羣材預徧階于顯
列曾微風績遂亞疑丞齷齪備員兢兢履薄物勝權而
衡殆形過鑑而照窮理有固然道無不躋米煩賜罷力
厭騰譏尚蒙藏疾之仁尋假出麾之寵奄綏淮服坐服
漢條省咎窮年酬恩靡日比者伏蒙皇帝陛下哀憐舊
物拔拭深疵念器使之嘗加忍生成而遂棄曲回天造
申穆朝猷序聯清禁之崇再委名城之寄仍銜使節參

重州符悅祇命以驚魂徒拜嘉而隕涕桑榆收效已辱
于垂矜頂踵捐生未知夫上報臣見依準勅命取便路
發赴本任無任瞻仰

代楊鄆州謝上表

臣某言蒙恩授臣知鄆州軍州兼管內勸農事卽于今
月日到任上訖謬分左契臨長東人提干騎之雍容有
六條之森備出麾有幸坐閣增榮中謝竊念臣箕斗虛
名丘園微介決科僅中論績稍遷邁明辟之纂圖忝望
郎而升秩用惟枯木不自先容細及秋毫罔非帝力但

罄如絲之亮曷知媚竈之求終賴洪慈免其大戾甫周
一閏更典三藩銜箋數以見容員支離而竊祿昨緣便
道遂獲造朝許留數刻之間俾典百斤之奏俄煩節召
改賜袍紳追露冕之爲榮均解衣而拜賜胡然頑陋縻
爾寵光斯蓋伏遇皇帝陛下適駿先猷函蒙庶品謂夫
俎豆之無越矜其丹膺之可塗曾不疵瑕猥從器使伏
沉汶陽疏壤魯道遺黎昏作屢豐敦厖俾乂雖屬河工
之近決不妨田畷之有秋惟冀至仁少寬中昊臣敢不
內循丕訓上體寶慈列三壤之埴壚勤修稼政愛二東

之杼柚底慎邦財儻臻樂職之風冀贖浮人之刺臣無任云云

謝轉給事中表

郵傳疾馳贊書申錫改東臺之祕秩仍左竹之善藩恩

數竝隆心顏罔措臣某

中謝

竊念臣本惟弱植素情遠

猷一玷文科游膺朝選攝官承乏率非才舉之宜含垢匿瑕陰荷天私之惠獲徧階于華近固無補于涓毫至乃超備諫員參聞宰政當求治責成之會有先機斷論之煩力勉徒勤道悠自躡辱收還于重任始厭伏于煩

言繼荷宸慈曲存邦體旋易麾于巨鎮復帖職于清廟追貸前尤叢臻謬寵謝生無所履薄增憂不謂更杜公僉平稽歲伐例舉當遷之典兼紆卽賞之褒循踐殊資俾光外寄此蓋伏遇皇帝陛下深憐舊物均飾庶工因虞篇陟考之文用漢守增畱之制併推優渥昭示保全內省微軀曷勝鴻施謹當勤思寡悔益服攸箴承化樹風或萬分而有取竭忠酬貺期十死以知歸感極于中辭殫靡喻

謝賜撫問表

使駟馳星天辭出綽辱宸心之念舊因頒式以推慈恩
厚忘言感深成泣臣某誠榮誠感頓首頓首竊念臣本
由寒士早玷榮班出入近司周旋二紀石心許國固無
可轉之期川謗盈朝容致他來之吝逮違樞握洵易侯
藩席槐府之崇聯惕將壇之重寄敢謂皇帝陛下堯仁
無外漢度兼容謂體貌之嘗加眷忠愚而可憫爰馳華
牡俾道溫言薜焙惟珍特分子貢品寶匱有爛紛照于
私闕仰聆金玉之音俾極君臣之分孤生內省降惠奚
酬但歸誓于麋捐或謝生于覆育

中書謝傳宣表

臣等伏奉入內都知張永和傳宣中書密院重修開先
殿成迎奉太祖皇帝御容往彼供養所貴四時薦享得
伸誠意與卿等中外同慶者寶宇雄成神儀載竚屬奉
迎之伊始枉傳訓之發中睿德所覃羣心交抃恭惟皇
帝陛下紹熙景命勤述先規曩緣作繪之容參對不祧
之禮炳然威御臨厥孫謀因佛刹之增新命工師而度
構再嚴祕殿將宅皇靈兼別廟之宏模超化城之絕境
羽旄先導奚止漢冠之游都邑叢瞻寶聳軒臺之畏孝

誠克盡前烈彌昭臣等忝服近司首聆慈誨空極親逢之幸初無云補之方惟誓協恭或酬洪覆

賀冊封克國公主表

宮闈衍慶國邑疏封誕告有初均歡無外臣某誠欣誠抃頓首頓首伏以克國公主天孫稟粹異女流占在姆不勤承親允穆恭惟皇帝陛下至仁敷祐篤愛成雍誕生禮矣之姿前導百斯之福教宮有典擇配惟嘉爰選良辰茂宣華冊肇禹州而啓國築魯館以由章典物備臻官師載躍矧于歸夫舅族諒深沐于皇慈臣早忝近

班今司外服徒聆發號莫獲觀光瞻望宸廷臣無任

再入參乞罷免重任表

臣聞綆短而使汲淵非浸灌之巧馬窮而後易駕非馳馭之宜物理苟然人情可喻是以明主臨下孤臣事君弗強所能乃輯宿官之業自涯其分方逃不職之誅敢傍斯言用敷至懇臣某中謝竊念臣天畀疎拙地出羈單偶緣挾冊之勤誤中掄材之首束紳仕路佔畢文林遭山藪之兼容備閨臺之旅進自爾朝多過聽官匪序遷驟塵星掖之華采入鑾坡之祕固無寸效可稱明恩

更因承乏之辰猥玷參機之重前叨未補來忝益滋過中之器易盈責實之名難副果煩罷免終賜保全歷典州符五新年籥何意君環之召復聯公袞之榮顛枿再條朽肌還肉雖聞弦戢翼悸魄未安而內手捫心丹誠故在輒復夜思晝過今計昨非期一得于陋愚或少裨于顧訪其如性資有限機務至叢卜式樸忠初無趣和倪寬懦武案原本缺三字明而又睿德日躋聖猷天建按循先烈裁定懿綱求百辟之讜言責三公之吏事諒非雋輔疇克同寅竊願安庸將焉報稱宜從重劾以警空餐然

念竭智以進思介一心而自守偶逃多悔幸及三年稽大比之文敢煩陟狀撫不肖之質尤合避賢輒循考績之期仰丐退身之幸伏望體天法道欽文聰武聖神孝德皇帝陛下廓包荒之度推養士之慈業已與成則無令亟敗事容善始則當俾有終許辭貳政之繁卻服從臣之末職勞有底量力自安亦冀穆穆公言潛弭曠官之誚諄諄末路免權不衷之災意迫言蕪期于得請干冒宸展

乞致仕表

臣聞爵祿有次王者所以馭臣筋力或衰聖人不與爲禮何則上隨材而賦任則壯者樂盡其節下度德而展體則老者止于不能授受由是得宜始終因而偕篤斯爲達道貫厥大倫愚衷所稽皇鑒攸賴臣某 中謝 竊念臣本興孤族素乏遠謀天聖初伏遇體天法道欽又聰武聖神孝德皇帝陛下始攬萬幾親臨多士軾怒蛙而待勇撫駿骨以求駒而臣適會時來遽躋才等猥緣士牒仰沐朝猷游階華要之途采入凝嚴之禁終因人之遂贊宰司辱體貌之兼隆竭涓埃而無取自茲典領益

復崇高再參政務之繁正管兵機之劇一塵鼎鉉兩幹星樞形已過而照窮力猶求而駕敗屢招譏劾深累包容一昨罷帷幄之同寅丐州藩之出守理當策免恩乃庭揚假使闡之旌旄帶輔臣之印綬質于公論實玷天私雖席寵之有因顧害盈而難追重念臣久塵榮路垂四十年福過成災氣衰得疾去歲中禍延同氣痛徹五情乘悲泣之過多駭營魂之不復幽憂攻內攝理乖方接此頽齡漸成痼疹積寒棲于腠理流毒匯于肺經一喘之來百骸俱廢步趨多梗拜伏爲艱若復貪極品之

崇名懷千鍾之厚廩鬼誅將作人言謂何況臣今茲行
年六十有七常恐一旦先犬馬填溝壑終無以報恩塞
責臣不勝私願願上還官職之事乞骸骨將孳息歸田
里避賢者路七十致政抑惟常典臣年雖未及病則有
餘幸丐餘生貪延聖日儻孤誠之獲遂畢九殞以知歸
敢望聖慈特除臣一致仕官因便尋醫以救殘喘干冒
宸辰臣無任

乞致仕表

言而無隱情至者得以抒陳瀆則有誅德厚者爲之含

覆批章繼錫俞訓未頒輒復叩闈覬諧就第臣某誠惶
誠懼頓首頓首竊念臣顛蒙自信憂畏早衰近司五玷
于朝咨巨屏七更于郡寄空勤夙夜蔑著毫分讒謗居
多寵光翻渥雖虎符劇任祿秩甚優而鶴鬢暮齡筋骸
難勉矧復因寒損肺緣咳成嗽拜伏稍頻喘噎僅續訪
醫寡效卻粒無方操藥匕以自憐擁食楮而太息生涯
若此人事奚言屢達封囊願還駢組辱中宸之念舊未
聽角巾陪四輔以造朝衆嗤蹇步如伏蒲之有劾頓握
節以何顏伏望皇帝陛下昭示至公曲推洪施遂臣知

元憲集 卷之六 再乞致仕表
止式保于有終揆臣所堪無強其不逮得從初志實緩
深尤虔後俞音始安累息欲望聖慈許依臣累上章表
特除致仕臣無任祈天俟命

再乞致仕表

筆端言拙悃悃難敷詔底恩隆都俞尙闕輒緣洪造更
露微衷臣某誠惶誠恐頓首頓首伏念臣草茅地寒樗
櫟材散曩因薄技來會亨辰列仕版者再閱八周佐國
論者五遷三已每塵眷獎遂極崇高風績蔑升年華滋
晚頃希止足姑解組于鄴城比恤蹒跚復假麾于譙壤

覲顏冒祿力疾長人惟知謹守常規郡閣靡頒條之最
不能導迎善氣農疇罹泮水之災加以淮北荒殘渦陽
沮洳蕭然南畝悉變于橫流蕞爾孤城不沈者數版眷
言守土尤藉長才而臣適在暮齡猥當優寄敢臥尸于
重祿空勉率于孱軀因此震驚轉成羸繭而況任崇將
鉞秩視公槐固當參寵勲賢詎可久私癘瘵伏望皇帝
陛下大明委照廣覆推慈矜齒髮之早衰憫筋骸之難
強俾從閒佚允謂生成矧在先朝已陳納祿逮逢聖日
遽此延恩出入三年倦勤十上昔祈退老固瀝懇于朝

元憲集 卷之九
端今若因循必取嗤于天下非獨失臣子進退之節抑亦玷衣冠廉讓之風傾藿馳誠叫闈佇可伏乞檢會前奏特除臣一致仕官放歸田里

乞罷樞相表

臣聞器小易盈者難持任重將顛者思止儻奉承之有失卽隕越之可虞敢援至言冒陳丹蘊臣某
中謝竊念臣早由謹樸參備丞疑出入踐揚二十餘載食浮日積官謗愈誼而自再冠洪樞漸逼衰景徒竭短慮終誤遠圖故經制邊陲或蠻蠻內侮按列軍伍或戍卒未充上

資聖謨竝稟成筭至于稍嚴賞格則羣煦漂山暫塞倖門則衆怨成府孤特少助怯懦自知敢竊天工久妨賢路伏望皇帝陛下許還重柄垂丐殘骸得寬典刑庶保要領儻未令便歸田里或且許近守藩州補報之心內外惟一投誠至切得請爲期

乞罷相表

臣聞名本戒乎多取過實則凶力所貴乎自量弗能當止矧萬幾密勿任切于論思一介婆娑力窮于報稱所宜自劾以警空餐仰賴至仁罄敷危訴臣某誠惶誠懼

頓首頓首竊念臣學非全古才不逮人擢始布衣進陪
書笏寶元中因緣人乏參預政機試可罔功踰年賜免
已夢之駕奚望于復驂方汲之淵何圖于續綆自再塵
于國論俄六改于歲陰齷齪備員容容取謂其間改使
樞管序正宰司光華所叢位望彌峻然屬邊烽罷警調
輶息勤列辟交修日新于所治當宁親務天健而愈強
因容具臣久忝高位至夫講求隆典崇報上神因大寢
之宏規復九筵之毳祝克成鉅禮莫匪聖謀旣絕望于
清光亦奚資于彼相逮均慶寵首及庸虛譱爵無階履

高增慄里以福基素狹年事日侵有負乘之近憂乏將
明之遠業雖主恩含垢外弭于人言而天道害盈難逃
于鬼瞰一歲之內二息云忘昧聖哲忘情之高深朋友
離羣之痛氣衰耳塞淚熱日昏寂聽則妖鼓亂聰審視
則黑花盈睫居多忘誤動輒震驚悲憂一來志慮俱耗
安可尚聯袞職之貴分揖槐庭之嚴身不自聊政于何
有且三公之責吏事任靡容私聖主之督愚臣悔將累
國內循非據實玷具瞻伏望皇帝陛下念稟數之早奇
憫匪才之難強許還重柄出補外藩愛小器于未盈免

其必覆貸槁骸于將隕俾遂更生進退之方恩義偕允
投誠無隱須可為期臣無任祈天俟命念稟機之

元憲集卷十九

元憲集卷二十

宋

宋

庠

撰

外制

中書試御史大夫除右僕射制

敕古者因右武之官尊主射之號始寓天秩以昭邦儀
惟左右于中臺實師長于庶職諒非肅哲之劭曷允僉
謀之同疇庸匪私惟德之舉具官某莊重不倚寬博有
謀自覽德以逢辰亟舒文而華國寢懋忠力協宣朝猷
訪之以善而椒蘭益熏嬰之以煩而銚刃不頓實有明

效暴于羣倫。曩者付以憲綱，寄之邦直，而能山立盛氣，條舉舊章，褫權豪之匪彝，勗官師而交輔，宜示殊典，進服大僚，噫！總六官之卿納，百揆之路治，本之自出，官成之所得，爲時羽儀，任政梁棟，副我則哲之效，繫乃司寅之忠，往踐厥司，無忝休命，可。

降授太常博士知臨江軍龐籍可尚書祠部員外

郎福建路轉運使制

敕具官龐籍，傳曰：舉直錯諸枉，又曰：觀過而知仁。蓋所以判忠邪而貸苛細也。以爾比用局力，參于風憲，露章

抗論多所澄糾，而能陰辨，屢慝斥言，壬人暴于公朝，卒得姦狀，乃以鉤撫之微，累訊證之，弗讎，姑從常科，俾降元秩。今閩部遐曠，漕舟須才，宜復郎曹之華，兼還使節之重體，我甄叙無忘，夙宵可。

皇弟鄭州防禦使允良，因鄭州升爲泰寧軍，可移

別州防禦使制

敕具官允良，藉慶廟靈，參華宗邸，夙陶善教，寢服榮班，曩擇壤于陪京，俾建侯而禦侮，屬茲要郡，介我一都，特表中軍之雄，且壯近郊之守，高牙作鎮，旣易故名，列棨

制藩宜更新部淮西奧密楚北柔疆命秩均封以屏王室可

衛州團練使充邠寧環慶州路駐泊兵馬部署兼知邠州曹琮可防禦使充秦鳳路部署制

敕唐制刺史兼使以禦遏差重國朝邊屯特將以攝署爲雄參付寵權是屬公舉以爾具官曹琮性韻沈慤風略雋明地席忠勲之餘才更煩瘁之使向資親信外職訓齊仍總郡條且濟戎索而能威惠克舉疆場以寧眷乃岐山之區奄于天水之會兵籍尤衆師律徯嚴宜疇

已試之勞往司善帥之任當念恩寄方越常均無懈克誠以累先服可

故左龍武官大將軍昭州防禦使張昭遠可贈觀
察使制

敕夫勞臣竭節雖歿而靡渝王者念功既往而彌篤所以合恩義之紀貫哀榮之終賁厥英魂我有成命具官張昭遠才謀沈鷲姿度方嚴練韜畧之大端席公侯而茂闕早由差擇遂服驅馳游升諸使之聯亟攝專城之守通知疆事兼濟吏文展于體以實勤勵乃猷而克壯

比階勇爵用領禁屯方出倚于幹名遽歸移于末疾頃亦換司環衛仍護州兵庶臻勿藥之和奄軫聞聾之痛永言遺烈深悼予懷法賻如儀廉車正秩茲爲寵卹尚克歆承可

故澠州觀察使曹儀可贈節度使制
夫勤官盡瘁者忠之全哀亡勸存者義之篤矧爾帶礪之胄方備封疆之臣務罄一心靡嗇他用奄邁淪謝宜錫寵褒具官曹儀性資端和世載勲烈在昔乃祖以德冠羣后從享于太宮施及而考以力宣王家繼仗于齋

鉞負荷宏構屬于幹材自階仕于班聯實積效于勞勩遂繇別使入掌禁屯兼倚列城出固西圉比嘉控邊之重改升廉察之權式佇後庸克纂先服美志未遂修塗已窮戚自訃聞實累中惻俾正登壇之秩尙識傳弓之謀歸賻納書爾或無恨可

東上閣門使梧州刺史魏昭昞東上閣門使運州刺史王克明並可四方館使制

敷具官王克明等夫史局有聯館賓爲重列于禁籍用寵邇臣非勲緒之可圖顧恩典之疇稱以爾等並生冠

族均賦美材早服在庭之班多更守局之職擢嘉勤效
洊職官榮序位天闈假節州部然克明曩緣外補頻復
尚稽而昭昞雖屬近遷公言猶鬱俾偕升于近綴且無
格于常科勉勵恪恭滋稱恩紀可

衣庫副使知廣信軍王果可尚食副使制

敕具官王果頃自朝紳改乘使轂仍委備邊之寄甫更
成歲之勞屬是軍牙對遷符守義當便道恩有進階俾
升膳局之榮且壯和門之氣勉修疆事毋忝寵章可
故內殿承制魏成德可追復供備庫副使制

敕故具官魏成德早基華胄亟列內朝奉使指以實勤
更歲期而亦久向緣微坐遂免所居方踐復圭之辭遽
迫藏舟之變奄然不淑良用軫懷宜追寵于故官俾終
榮于厚窆甄勞念往尚或嘉茲可

右贊善大夫丁禹可諸司副使制

敕具官丁禹優學儒家策名官簿才莅煩而畢給志越
俗而不流向積吏勤遂膺州寄而能樹風遐徼歸課攸
司叙陟宮坊之聯甫引朝闈之籍而夙懷感慨願奉驅
馳列牘自陳徇忠彌切嘉乃兼材之美俾參貳使之華

勉樹壯猷以基勇爵可

如京副使永定陵副使張懷則可莊宅副使制

敕具官張懷則以肅給之姿列禁嚴之侍游更歲次階
陟使名比嘉軒闥之勞出總山園之衛恭懷先寢近在
神畿雖百靈護野而有嚴顧七遷成邑而增重疇其謹
職宜用推恩進厥華聯仍茲舊領益圖祗恪副我欽崇
可

深州防禦使駙馬都尉錢景臻男忱可莊宅副使
制

敕某公爵吾所重而內使之介以爲初命豈惟爾婉變
是厚實我諸姑之慶也制名賦祿以進成人勉就學能
以需官使可

新差知桂州東染院使榮州刺史馮仲已可洛苑
使制

敕桂林守印必寄材良洛城苑監是光使號以爾具官
馮仲已相門餘慶世祿舊勞洊服榮班果敷休譽或承
輶將命或握節護邊兼刺部之雄且啓封侯之業屬
吾遐郡咨擇幹臣公論攸先寵章宜渥俾進內司之列

往撫南荒之會靡忘臨遣用對褻華可

故左班殿直楊成可贈崇儀副使制

敕具官楊成夙以幹名備于煩使序服庭臣之列洊書
官簿之勞美尙方申修塗早已克鍾懿烈可慶高閎矧
盡瘁之未圖顧追榮而有典內司置使貳職參華超爾
寵名以光幽室可

資政殿大學士刑部尚書李迪降授太常卿知密

州制

敕言之多誣實惟殄行過弗圖改茲謂遂非矧三事之

舊臣均一德于同體表式攸寄中外所瞻苟自蹈于匪
彝因難枉于明罰以爾具官李迪曩繇才等出應時須
遭會先朝參管魁柄逮余儲邸之日亦預宮僚之榮中
罹間言越在外服朕矜其介節申乃昔恩擢自爲藩付
以當國而忠款靡效朋比屢彰雖榮罷于宰司猶階進
于天秩洎加清職留冠邇聯冀省疚以自新乃構忿而
深詆洎從薄責咸失事端噫進旣負幹棟責成之求退
又乖宗工勵俗之德謬戾若此良用憮然跡其矯妄之
來宜正典刑之黜尚緣哀請弗忍深懲特降序于禮卿

且出備于藩守爾其內訟厥咎深體至慈念屈法之惟艱顧蒙宥而難再虔佩成訓以復令名可

龍圖閣學士給事中知兗州范諷可責授武昌軍節度行軍司馬不簽署本州公事制

敕名不假人所以敦乎治體法無阿近所以去乎官邪苟治行之有虧非彛憲之攸貸以爾具官范諷出于世緒涉乃藝文游紆朝紱之華驟任諫言之責比嘉抗論亟用推恩歲歷未深寵靈彌渥而不能罄輸亮節祇報殊私曠計簿之舊章濫公朝之賞典乃復咨于州部冒

市田廬陰答利交公形薦贖方自陳于罄窶曾不愧于心顏逮窮置對之辭盡露懷姦之態未足決獄仍擅之官繁傲蔑之罔悛顧刑章而何追特從幽黜以肅朋邪俾典午于方州且省愆于散地爾惟取悔余匪棄人可京東路同提點刑獄內殿承制閣門祇候王繼祖可禮賓副使制

敕具官王繼祖班籍幹材官藩遺緒久備闡司之使寢承殿制之嚴鼎被朝章分廉郡獄赤車所屆幽犴無冤曾是稽勞當茲滿歲宜遷使範之亞尚虔刑典之中益

罄勵精無忝褒擢可

西上閣門使梧州刺史魏昭昞可東上閣門使制
敕九閤之嚴二閣爲重實謹門籍用冠使名且寵東西
之聯俾詳功次之授以爾具官魏昭昞資性沈愿風矩
閒華席慶公臺之餘累勞軒陛之職奉承官訓階序禁
朝自酬績于事經早兼榮于使部曷資勤力參典盛容
歲歷洵周莊恭彌劭宜進左扉之局益重邇臣之班當
體茂恩免服來譽可

左武衛大將軍遙郡刺史王堯明可東上閣門使

制

敕滌瑕念勞人材所以無棄循階序位官秩所以有班
矧于公朝莫非明勸以爾具官王克明地蔭華舊風規
韶遠憑藉榮任周歷禁聯曩緣外家之親超升諸使之
重入掌賓館遙指郡麾自矢遠嫌之防遂從易地之譴
出監州旅歸列衛屯彌越歲時屬沛恩號念甄收之有
典固拂拭以爲宜俾序要司且繇上閣勉懷退補用對
亨嘉可

戶部尙書夏竦除三司使制

敕周以冢宰制邦用漢以列侯主計書而皆內權重輕

外濟調度衰征慎賦緊衰音催齊語相地而衰征則民不移原本作襄征今據改操

本建中合為使名我有才舉以爾具官夏竦文敏莊重

淹曠清明自振褐昌期漸磐無仕有精微之學以導化

源有典誥之辭以華玉體早符朝野之望迭處鈞衡之

司清規所存嗣政攸庇邇雖倚垣翰之劇寄居留之雄

歲紀洊更朝猷增竚天臺正秩已穆十僉前地卿領務

宜歸于職業兼增食采尚重官儀罔憚使煩體我闡舊

可

戶部郎中直史館知滄州郭申錫可三司鹽鐵使

制

煮海為鹽鑄山為金不賦于田不征于關市而國用饒

此山海所以為天地之藏而古者暴威武擒兇醜舉是

而資之也其職屬于司會府必得其佐謹其筭而收之

則無遺利矣具官某資性純敏不以私污義居朝亡朋

騫然自立已嘗試于司會府而以累去職今還汝以鹽

鐵厥惟舊哉奏刀既熟奚煩朕之為訓可

三司副使制

司計之廢措歷世莫能定至真宗皇帝時析而爲三干是事有條功有緒交處而不可雜並行而不可亂閱之百世朕知其不可易也然常得才用通敏之臣處之則法行而政舉副介缺丞相以爾等明厲有守嘗試外計府帑充實士馬宿飽可以貳吾大司農之治豈惟丞相之言哉此正朕之所欲求也置爾其孰爲過哉可

新除三司戶部副使尙書工部郎中陳琰可三司

度支副使制

救夫金布刊令地壤制征雖輸入有常而均節爲重故

支度參號總務在中副介承業擇人斯授以爾具官陳琰志用精一材局敏通筮仕本于學優修方濟乎儒飾曩采朝論升補憲僚旋試治財之煩繼將護漕之劇莫匪最狀達于余聞曩以圖旌使勞貳領民版成命甫出聯有序遷位無相踰任必差進改司移用之要且究析毫之能勉調盈虛罔或掎克可

三司度支副使尙書工部郎中陳琰可三司鹽鐵

副使三司戶部副使尙書工部郎中司馬池可三

司度支副使制

救故事邦計分部設使介以經其業雖職任均重而班
 著有差因勞序升實本其次以爾具官陳琰性理純壹
 靖而能幹以爾具官司馬池器識詳允和而不流並飾
 文來仕展體首公簪筆握蘭分契將漕休有嘉績稔厥
 外朝頃偕命于使煩同胥協以陳力屬乃比局疇以外
 遷俾按循階之常且資奏刃之熟正郎舊秩會府劇曹
 各懋爾官以稱恩典可

尚書戶部員外郎兼侍御史知雜事姚仲孫可三
 司戶部副使制

敕國版制征民部置使必擇才彥參主計文列為副介
 之雄實艱授受之選以爾具官姚仲孫踐修士檢肅給
 吏資早階王髦遂置朝紱曠疇直之譽且責諫言之
 良忠規可甄輿論彌洽移總臺屬亦既歲時誠存不流
 文克無害而左戶缺職通籍類能差序宿官之勤允膺
 遷秩之次往莅財算深究事經勿弛勿苛尚質最要可
 尚書工部郎中兼侍御史知雜事司馬池可三司

戶部副使制

敕國家底慎邦財建崇使範以主計之重訂于列侯因

制用之副均于小宰非有幹用疇允恪居以爾具官司
 馬池行淳而方識簡而固繇鄉俊以來仕積吏闕而登
 朝荐剖州符遠將歲漕比嘉守土之最茂贊操籌之煩
 朕察其冲恬考以名實亟正郎位俾亞憲綱時序甫核
 品式方屬而戶版缺任庭著擇材雖糾劾未盡其能且
 甄升適在其次特回簪筆之選用經籠貨之宜往竭乃
 誠無忝榮遇可

除名人董仲言可團練副使制

敕具官董仲言曩服朝紳倅穎邊郡罔敦飭篋之操自

罹除籍之辜比荷貸恩序升散秩禋禘載洽謫注尙存
 宜卽輔寰之封且升團結之造兼榮視品仍俾定居姑
 務省循以報存錄可

太常寺太祝王靖可大理評事制

敕具官王靖世藉慶餘仕階陰恪參名邦祝祇事卿曹
 大比方周稍遷有典宜升理讞之局兼寵臺華之緒可

太常寺太祝監西京麴院魯有立可大理評事制

敕具官魯有立爰以妙年陶于善教逮延世賞克服官
 箴比由祝策之資往幹酒材之局屬茲稽課協乃懋恩

擢贊詳刑尚領煩蒞可

太常寺太祝監江州廣寧監馬璵可大理評事制
敕具官馬璵卿屬之華邦祝爲最歸試煩于外局實通
質于舊勞齋狀以聞滿歲當陟改司刑讞姑續事程勗
哉首公往荷榮典可

太常寺奉禮郎梅輔臣可大理評事制

敕具官梅輔臣陶訓清門序階榮籍頗從吏補休有歲
勞覈狀甚詳升秩惟允宜繇抱蕤之屬往參聽棘之評
恪服攸箴尚續來課可

大理評事制
胡仲衡呂友直並除大理評事制

敕具官某等日者屢肆大嘗囹圄空虛理官具員而已
然而擇人以詳刑則不可不謹若爾某者皆由此選也
宜及閒暇益務明習以稱朕哀矜庶獄之意可

元憲集卷二十

元憲集卷二十一

外制

保慶皇太后叔楊知信可贈兼中書令制

敕親親之恩自家而刑國善善之報循本以飾終矧我

慈闈之尊永懷仲父之懿申賁愍策茲協大倫故贈具

官楊知信天資朴忠氣挺才武早踐勇爵訓于軍和宿

衛軒營之嚴該明圮石之略世逢偃革未盡于壯圖化

恒藏舟奄先于徂運力命雖屈慶善並流洪惟母儀賈

宋 庠 撰

係家緒曩緣傍蔭之厚洵舉追榮之恩肆是休辰彌顯
徽範宜特班于異數俾增煥于乃宗卽號將壇兼中書
令且光龍節之重益顯鳳池之尊綸檢密章往付幽安
可

楊崇勳祖累贈太師加兼中書令制

敕朕昨以荷三神之釐疇百執之力第以封爵徧于幽
明蓋潤葉者流其根移忠者本于孝褒先錫類邦教繫
焉具官楊崇勳祖累贈太師守斌以莊毅之姿濟和之
略義無苟進時弗我永長算屈于浮齡積善蕃于重葉

慶靈叢啓秀傑嗣生感會風雲之期烜赫旌常之典內
幹幾密外扞蕃宣本燕翼之有來宜寵靈之上集賁章
洵舉而殊數未昭爰益鳳池之華更光馬鬣之兆永言
幽漠尚識褒崇可

縣尉李述可縣令制

敕具官李述頃由銓檄尉乃縣封善率追胥悉擒寇慝
書勞有狀援比載明宜紆縣綬之華且酬官簿之最往
祇休命圖續乃庸可

前吉州龍泉縣令監蘄州蘄口權務吳處仕可睦

州建德縣令制

敕具官吳處士階蔭服官積資參調曷司權利方責歲勞屬郡將之專威挾吏文而巧詆俾從罷免尋覽訴陳別制下推枉情咸露適舉殘苛之罰宜均凜雪之科姑復舊階往綏遐邑勉恪而守毋恤後艱可

駙馬都尉李遵勗兄加贈太師制

敕朕昨以擁三神之休均百順之錫第以封爵徧于臣工然流光者慶蕃位重者文縟特因下嫁之戚申及孔懷之恩弗檢常襲是謂殊數具官遵勗亡兄具官累贈

太傅某寬明莊重淳深幹敏克纂堂構自結本朝以通侯之世家備能臣之煩使預平狂狡陰濟惠和或握節聘戎譽高使表或剖璋臨部政推邊最修塗未極景算夙淪天啓善祥地華嫺睦早慰在原之感亟欽服袞之榮及此均禧詎忘旌德宜極師璜之品載煥京阡之榮可

皇兄故武定軍節度使檢校太保允寧可贈太尉

追封信安郡王制

敕姬典之盟異姓爲後漢策之誓非劉不王矧我文明

之友方隆帝室之表奄忽遘疹追旌可懷皇兄具官某
姿局端華理識明劭幼陶惇敘之訓勤服糾綏之箴輔
成天資穆我邦族而復地在尊戚位躋中權奉齋鉞以
彌恭戒朝鑾而有恪夙夜之志造次弗渝固將分寶展
親秉德陪朕合是多福登乎永年時惟不備壽則中奪
永惟痛悼震于予衷今以三公之上司二等之高爵昭
列殊典申賁令猷噫魂而有靈尚嘉我之徽命也可

屯田郎中王渙父礪可贈尚書左丞制

敕朕載耒勸耕舍爵行賞均厥慶賚塞乎天淵永惟通

籍之列咸被流根之澤所以勸存而厚亡者也具官某
亡父故具官某早以士彥登于朝次有文以飾吏有孝
以顯親名附史篇行灼鄉品騁修途之未及屈浮齡而
前謝善訓諸子不隕令名實我周行莫匪嘉績宜徇褒
先之請以顯教忠之族星闈都坐天轄上僚足賁英魂
用告幽爽可

司天監主簿馬日房可司天監丞制

敕具官馬日房執技占官勾稽監事比奉營宮之役頗
資推策之勤奏牘自陳賞科惟允俾遷丞率勉荷旌酬

可

司天監丞來慶祥可降授司天監主簿制

敕具官來慶祥隸業候臺參榮官簿固當夙夜審察躔
離輒輕肆以上書且稽測而違實迹其詭辯合正嚴科
聊從降秩之文尚聯視夜之職勉思勤術以荷矜恩可

太子中舍通判鄭州李宋卿可殿中丞制

敕具官李宋卿祇服善猷克纂華緒任宿其業籍通于
朝比輟官坊之良近參輔郡之守且有新最能續舊庸
官簿當遷盾省爲次卽授之美爾其勉哉可

太子中舍監在京廣濟倉沈維恭可殿中丞制

敕具官沈維恭公臺舊門軒冕重世階蔭來仕歸課屢
周比踐儲坊之僚兼司國廩之契歲攷通滿勞簿上聞
當遷之榮中御爲次往服丞率尚幹委儲可

太子中舍通判德州薛中孚可殿中丞制

敕具官薛中孚積學而優展體來仕游稽官闕入籍治
朝鼎因通守之行已在當遷之目欲觀從政姑俟彌年
逮此有勞詎宜留賞卽升盾省之秩猶贊州符之雄勉
結歲成無忝恩擢可

奏舉人前寧海軍節度判官蓋平可殿中丞制

敕具官蓋平爛曉吏文綢繆使職洵閱舉知之奏已經覈課之詳姑欲試煩久茲倅事選條再集薦牘彌多宜酬戎幕之勤入通盾省之籍可

追官人前守殿中丞劉景可殿中丞制

敕具官劉景早緣儒科階置朝級比倅州事自陷憲防而具劾之初如律爲重尋用原情之典裁報免官之論恩霈維新辜累宜釋俾通閩牒且復仕塗勉爾矜修體我甄序可

敕具官李倩明習吏文服勤官次早補刑卿之屬近更

財權之煩曩籍勵精擢佐評讞罪繇所麗論報甚詳歲在質成恩有加秩宜承鈎盾之府尚服簡書之司勉悉爾心毋懈予命可

奏舉人前權平江軍節度推官張去惑可將作監

丞制

敕具官張去惑本借士秀參服銓條比奉賓帷之籌頻承漕府之檄分捍水道頗還居民監司露章衡審稽實

宜信朝賞且旌吏勤往陟匠卿之僚無忘虞弁之守可

汝州長史王煥移虢州長史制

敕具官王煥早以敗官甫從善貸列于州佐近在寰畿輒稽便道之行陰狹干私之醜夤緣女謁繕作奏函訊逮甚明憲章罔赦屬經洪霈聊徙外藩無貳前非終取祗悔可

著作佐郎監華州鹽酒稅務梁堅可秘書丞制

敕具官梁堅故事撰著之佐雖出補他任而滿歲正課猶進丞本省蓋以因官成而育材類也爾早階科秀深

敏吏文游緣外舉之章入參中秘之局彙圖親祿卽筦利司煩使有能陟狀咸最宜席道山之序且通閩籍之華尚結後勤毋忝榮次可

三班奉職高器之可將仕郎守高郵縣尉制

敕具官高器之名郎之家素業相紹早緣世賞遂列使班比控于朝願從補吏嘉其清尚無忝爾先宜易命于銓流且詰封于縣禁勉修官最以荷恩褒可

濟州鉅野縣尉孔宗願可濰州北海縣尉制

敕具官孔宗願系出聖門蔭緣宗眷比除邑佐且便鄉

閱而聯官之人實乃媮近避嫌自列易地有常瀕濰控疆邏盜分職往服榮牒無貳乃誠可

權寧國軍節度判官茹宗元可大理寺丞致仕制
敕具官茹宗元早擅民貲志希仕籍嘗緣入粟之募遂服解巾之榮逮贊資籌已嗟耄缶願還所任宜允來陳尚序寺僚且光卿品可

寧化軍判官李祐可太子中舍致仕涇州司法參軍田鳴鶴可太子洗馬致仕磁州司戶參軍劉宗道可大理寺丞致仕制

敕具官李祐等各繇官牒籍我吏銓從公實勤歷歲茲久並控誠于晚節冀還職于有司知止可嘉增秩奚吝儲坊置屬卿棘有僚寵爾歸休且激頽競可

中嶽廟令劉碩可太子洗馬致仕制

敕具官劉碩曩中學科晚服銓調比繇縣尹之秩來奉嶽祠之嚴迫于暮齡祈致所事東朝洗馬外著垂紳特示寵遷且賞知止可

永興軍節度判官何操可太常博士致仕同州郃縣令寇寧可太子中舍致仕制

敕具官何操等階于儒科服在銓牒或屢賓大府或久
宰善封並陳遷事之年且圖佚老之舉禮臺通籍儲禁
具僚各服朝紳歸寵鄉閭可

前韶州仁化縣令公孫知止可太子中舍致仕制
敕具官公孫知止承乏吏資累勤縣譜間繇遐任歸質
攸司自陳艾服之勞冀辭銓調之補嘉聞悃懇宜遂燕
安引籍儲坊掛冠鄉閭庇私從欲尚荷朝榮可

密州莒縣令劉維清可太子中舍致仕制

敕具官劉維清策名官簿分政銅章課考寢深齒力滋

晚騰章來上解組是祈憫薄景于桑榆遂掛冠于田里
特遷宮案以寵鄉評可

解州團練使邠寧環慶路駐泊兵馬部署張敏可

大將軍致仕制

敕具官張敏階附先恩踐揚禁職累升別使遂視通侯
勳書邊瑣之勤久正軍團之重據聞謝病尋請致官憫
握節之載勞且據鞍而難強不能者止良克有終宜進
環衛之名往寵歸休之樂體余念舊勉爾頤生可
供備庫副使溫臺明越衢婺處州都巡檢毛昌達

元憲集 卷三 九繆音校
可左武衛將軍致仕制

敕具官毛昌達早繇強力祇服近班展體知方使煩無懈頗酬材裕升列使華臯總州部之兵遠嚴山越之邏遽茲移疾姑念乞身省章卹然從欲斯在俾陟名于環尹仍歸事于禁聯勉訪全醫尙究遐福可

除名人楊安節可太子右清道率府副率致仕制

敕具官楊安節曩坐重科俾除初籍憫嘗聯于使範宜復列于儲官仍遂退休庶寬痕玷勉思前悔尙服寵名可

尚書禮部員外郎天章閣待制范仲淹可尚書吏部員外郎權知開封府制

敕內史列郡之首邦風所繫天官一臺之妙郎選實先歷求諸朝我得良士以爾具官范仲淹才給而肅行介而通早繇雋科洵質勞闕逮育書林之秀兼責諫蒲之言確然忠規稔厥時論再臨州甸咸結民思臯旌雅猷進陟嚴署甫從宣室之召仍兼京劇之司往攝煩政永爾終譽可

奏舉人前桂州錄事參軍周堯卿可著作佐郎制

敕具官周堯卿秀踐儒科選條補吏嚮督郡郵之罰自
甄官簿之勞使轂露章朝紳舉最屬于銓審參應寵褒
宜引籍于秘丘且勸能于公路

元憲集卷二十一

元憲集卷二十二

宋

宋州推官席

撰

外制

開封府推官邊調可開封府判官太常丞韓琦可

開封府推官制

敕具官邊調等內史之治官政所叢必擇乃僚往贊煩
務以爾調久服吏事有資材之美而濟以勵精以爾琦
早擢雋科有緣飾之文而輔以詳允並飭厥朝譽播于
人間或京府奏刀試于已效或國帑操契用匪盡才宜

遞補于缺員且參觀于婉畫我有榮序遲圖爾勞可

益州觀察推官楊沆可權蜀州軍事推官制

救具官楊沆近繇銓啓遠佐使籌會新辟之有從顧舊員而為闕宜因郡幕改珥賓簪効智則同書最為勉可

節度推官郭昌可西京留守推官制

救具官郭昌比調銓臺往參戎幕屬師臣之聘吏顧賓席之溢員惟是留都甫當闕屬宜從易地無廢修方可

節度推官蘇賁可某州推官制

救具官蘇賁以戎帥就藩辟書補吏適茲俞請未及

之官而使府改麾賓籌仲畫新選既隨于將幕故僚宜奉于廉車是亦寵名尚圖來效可

尚書度支員外郎秘閣校理劉立禮可開封府推

官制

救具官劉立禮神赤之區海寓同會贊是尹政必咨才良以爾業履兢修幹用開濟早服文館有刊譎之勤屢倅州符多飾吏之術迹乃試效宜于使煩且繫望即之華往參內史之劇勉勵風力以對寵褒可

史官楷書陳宗閔可蘇州常熟縣主簿制

敕史官楷書陳宗閔史局編名書觚奏技久隨臺府專
給記曹嘉時宰之序勤宜選條之咸集勾稽邑簿正秩
銓流勉蹈廉隅毋忝恩錄可

三班借職馮旦可秀州華亭縣主簿制

詩禮清門簪裳華緒比因遺奏遂置末班亦既從公居
能寡過且自陳于世烈冀入預于銓流嘉乃素懷易之
榮牒勾稽善邑無忝先猷可

前真州六合縣主簿陳乙可潭州湘陰縣主簿制
久違銓集自便家居冒隱地征占擾閭左雖罪繇獄具

而罰以赦原宜因佐邑之資且為去里之役勉修來效
用贖往罪可

同知樞密院李諮除尚書戶部侍郎知樞密院制

敕國家總右武之柄慎惟幾之原號為皇樞以經天緯
非有明達之懿疇幹宥密之繁矧道推同寅績昭已試
宜階上著庸鬯大猷具官李諮器采忠純業履宏劭亮
節堅于石席明慮協于著龜仰惟先朝擢在榮序啓迪
言選藻潤帝謨肆朕纂臨益俾親近遞宣方岳之政再
籠天下之財爰圖累勞參贊基命百汰無耗屢照不疲

休問日升衆事寢允是用進地官之亞列付皇極之祕
機寢陟上司以輔予治方今四鄙弗警五刃並纒復茲
明哲之才交修朝夕之務何煩訓勅往服寵光可

參知政事王隨除尚書吏部侍郎知樞密院制

敕國家法象紫樞總攬皇極建爲使範均厥宰司必求
經世之賢參圖基命之要我有公議屬于名臣具官王
隨器涵虛明道與和正感會先帝摠發懿猷擢高妙之
哲科賁文思之休運游階廡仕入服大僚自朕震坊之
初嘗膺望苑之選逮于纂紹固已延登松寒後凋并德

無改曩由近侍升贊元鈞名實具瞻政亦惟允眷乃本
兵之地宜咨同體之賢是用陟天官之貳卿幹籌幄之
幾事順攷古道對揚王休矧試政之已彰詎錫命而多
訓往踐厥位永保令名可

故翰林侍講學士尚書戶部侍郎馮元可贈本曹
尚書制

敕夫保德終譽名臣高致悼賢加祿前王令典具官馮
元性度沈簡風猷淹素識探聖繫之奧文擅詞宗之華
曩踐俊科亟膺眷顧傳經繹義排去異端登庠攝職照

明羣志寢階前席之問入直層構之嚴肆朕升儲實參僚案逮于纂歷彌資講勸綢繆露門之學黽免禁林之游或裁成信書或總制經禮有資必判應鑒弗疲頃雖常借郡章而復進聯卿貳貪寬中授道之益賒壺遂倚相之期時胡不庸殲我皇士追惟往範震于余懷天臺設官地版攸重刻之密印尙賁泉塗魂而有知歆此嘉寵可

尙書刑部郎中知制誥晁宗慤可起復制

敕夫時之須才則求忠于孝仕而委質則推義斷恩眷

乃司言之臣嬰于去位之戚敦還舊次抑有彝章以爾具官晁宗慤業履清淳猷爲肅給早聞才劭入掌贊書數大號以惟精攝攸司而兼裕殆茲罹閔始許解官躬樂棘以盡哀竭誠信于襄事歸虞云已卒哭奄周當因時以殺情念展體而宜力矧家無辭事之職禮有從宜之文權廢至懷紹修乃職罔矜介節往復褒章可

司天冬官正楚衍可秋官正制

敕具官楚衍隸業疇人窮精天部嚮繫率職俾奉營宮爰逮落成未之甄錄宜改司于秋正俾紹勸于官勤勉

服寵章毋墜前緒

尚書考功員外郎知均州張仁惠可尚書膳部郎

中制

敕具官張仁惠智諳而材綢展國體早承宰旅能輯事
經旋寵爲郎之華亟膺出守之寄二邦通課三載質成
宜寘司膳之選且候及瓜之期可

大尚書司勳員外郎判三司都磨勘司兼主轄收支

具
拘收司文洎可尚書主客郎中制

敕具官文洎昔尚書主賓客者有南北之曹官名相沿

郎選差重矧參治財簿通質歲成循名第勞遷秩茲允
以爾才敏而慎節甘而清曩繇朝僉出主漕輓歸有政
最復序計聯惟金布覆稽之煩兼文符檢結之會濟以
舊課宜于寵章俾正握蘭之資且彰奏刃之熟可

利州路轉運使尚書兵部員外郎王軫可尚書工
部郎中梓州路轉運使尚書司勳員外郎張從革
可尚書主客郎中制

敕具官王軫等國家崇建外臺總領諸郡雖任專漕輓
而責在澄清矧惟蜀疆置使差重績苟用又賞則有加

以爾軫悃悞不流文敏毋害以爾從革純素自檢廉介
旁通並久服朝聯懋揚政範奏刃司會無醜髡之難操
籌外計有毫釐之析兼蘊善術克綏遐氓歲月當遷闕
閱來上按有司之練實嘉能吏之修方儻工劇曹典客
華序勿移擁傳之任咸正爲郎之選往欽並命以續乃
庸可

尚書都官郎中監蘇州茶鹽務陳覃可尚書職方

郎中制

敕具官陳覃早飾吏文久階郎選委蛇朝禴荏苒郡章

比徇奏封之所往臨筦利之局華皓靡懈閱閱當遷省
曹之名方志爲重進服厥位尙酬爾勞可

諸司使副陝西緣邊都監知州葛宗古王從政米

吉張世昌並轉官制

敕具官葛宗古等夫西鄙之防興天水屬安化亘平涼
奄涇部皆宿兵處也參護屯旅抑惟幹臣將責後庸且
寄蕃獎以爾等咸用才力奮于班聯出有將命之勞居
多試效之益質乃功簿稔于予聞因使煩之有初固並
命而惟允或進貳別帑或增數內朝各踐寵階往固邊

略可

三司鹽鐵副使尚書工部郎中郭勸可天章閣待

制知延州制

敕待對延閣本咨名儒制威邊藩是重良守二選參妙兼材實難以爾具官郭勸資性端廉操度詳允夙以士秀服于官常自濯纓登朝遊刃從政有清譽以軌俗有讜論而斥私及序登諫副總臺事言益而彌慎氣正而不流旋嘉乃忠姑試以劇入充主計之貳方究析毫之勤眷惟誥努介在西部而郡將須代朝議咸推官陟秘

嚴之華往專綏控之任若其訓定戎索保障民生寬猛有宜威惠交養茲所望于爾也得無勉哉可

三司鹽鐵副使尚書兵部員外郎陳貫可尚書刑

部郎中直昭文館知相州制

敕夫應積星之躔帖廣內之直符守兼委恩數實繁時酬舊勞乃允斯典以爾具官陳貫性局彊濟業履介廉早擢俊科稔聞吏闕風迹聳于州部幹固表于使臺臯藉官成入治財策副幹大農之用參主列侯之書精心所經白首彌厲嘉聞久職宜冀稍遷用正郎闡之名協

修文館之職往撫雄郡併示寵章循踐清階毋替厥服
可

尚書兵部郎中知潭州劉賽可太常少卿直昭文
館知廣州制

敕百粵之會督府表于南溟九卿之亞奉常尊于右棘
惟是文館寵昭儒服我有命數屬之材良以爾具官劉
賽性劬直清業總和濟始階鄉秀寢講吏文內則居評
刑受計之煩外則宜頒條將漕之職躬實勞止譽亦藹
然淹徊諸郎華皓一節屬倚湘中之劇未更歲次之遷

屬番禺守方符虎須代適當便道宜委于蕃雖臨遣弗
遑而進升惟舊俾改括河之貳仍預登瀛之游往撫裔
邦毋忝朝渥可

尚書兵部郎中天章閣待制張逸可樞密直學士
知益州制

救斗樞之庭分置秘職所以待名學井絡之次下為督
府所以難守臣參付寵章可謂高選以爾具官張逸志
託夷遠思懷沈濟曩繇邦秀寢服吏資濯纓登朝則見
許于甘節奏刀治劇則毋害于峻文游假使輶之雄咸

奏方漕之最曷咨公論遂陟禁班就委梓潼之區歸承
京兆之缺惠稔西俗政和中都試才所更二效尤者必
能將我明命綏厥遠黎矧蜀漢之繁包邛夔之嶮土沃
風侈民夥事叢有旌纛以制師有刀布以藝貢總是煩
使姑寄爾能爰卽中臺之華進兼密署之直往叱忠馭
無忝訓辭可

尚書刑部郎中天章閣待制李紘可龍圖閣直學

士知秦州制

敕層禁藏書以深嚴待儒選邊瑣擇守以循良制疆事

矧義圖廣內之秘天水諸戎之衝是宜延登且重臨遣
以爾具官李紘局度詳正風力敏疆早節吏文見稔朝
論或執簡憲署意無隱辭或操籌計庭使有餘範曩旌
幹固之效入升侍從之聯尋駕傳封外主漕輓兩河之
績再歲有聞來復近班益見純節而价藩缺帥官簿類
能得是幹良愜乃褒陟宜仍應宿之選序直巢阿之華
欽佩寵名往撫雄郡勉布威惠副余倚成可

金紫光祿大夫檢校司徒使持節順州諸軍事順
州刺史兼御史大夫知順州兼充溪洞都巡檢上

柱國京兆郡開國侯食邑一千五百戶田忠俊可
加檢校太保食邑三百戶食實封二百戶銀青光
祿大夫檢校禮部尚書忠順將軍知溪洞安福州
軍州事充寧邊寨東路沿溪洞把截外夷都巡檢
副使兼監察御史上騎都尉田忠穩可加檢校戶
部尚書上輕車都尉銀青光祿大夫檢校國子祭
酒充溪洞懷遠將軍知歸順州軍州事充寧邊寨
東路沿邊溪洞把截外夷巡檢使兼監察御史武
騎尉田洪部可加檢校太子賓客制

敕具官某等統帥部族守圉邊陲忠順自效遠邇無敵
緣大禮之中慶宜湛恩之博及俾增爵秩以示殊寵可

元憲集卷二十二

元憲集卷二十三

外制

宋

宋

庠

撰

尚書司封員外郎知明州張弁可尚書祠部郎中

制

敕具官張弁資性淳夷操行廉素曩咨郎選參按縣畿
心焉首公善弗求譽嘉聞美課尋寵巨藩而前此攸司
大比來上始延恩格更竣歲成亦旣一周靡或他吝宜
真握蘭之秩兼懋剖符之績可

尚書屯田郎中知衢州胡晏可尚書都官郎中尚
書駕部員外郎知慈州涉績可尚書虞部郎中尚
書比部員外郎知巴州陳甫可尚書駕部員外郎
太常博士知蒙州田瑜可尚書屯田員外郎制
敕具官胡晏等故事南宮郎專治臺務國朝均內外之
任率真拜而煩使之亦既有遷尚本其次以爾等咸服
士操胥濟吏文洊歲結勞登朝有著分掌州任參穆化
條前勤著聞今治通舉合是課目愜予褒章都隸朕虞
僕駕田部或正或貳勉卽厥官可

尚書虞部員外郎馬尋可尚書比部員外郎太常
博士張泌可尚書屯田員外郎制

敕具官馬尋等夫臺郎始于墾田省書總于鈎比皆一
時之俊選也以爾尋効智肅給持法敏詳而嚮守軍牙
有緣飾之政以爾泌屬辭辨麗秉操廉約而洊腰縣組
有撫字之勤並見考歲成來結官最宜階承務之劇且
勸敘才之規往服寵嘉母忘祗飭可

太常博士通判定州馬僑可尚書屯田員外郎國
子博士知濱州盧南金可尚書虞部員外郎制

敕具官馬僑等或俊茂服官或淳固宿業各敏乃事序
 登于朝臯者輟貳邊麾假領州檠雖新蒞未久而前課
 已周宜酬三歲之績並允一臺之拜體余郎選勉爾吏
 勤可

國子博士郭長吉可尚書虞部員外郎通判西京

制

敕具官郭長吉業治儒經仕優官簿早階郎署協布郡
 條失于保任遂罹降斥屬郊恩之蕩釁加京守之薦能
 俾復典虞之曹往參主鑰之政悉心營職以稱所知可

尚書職方員外郎知衡州任旦尚書職方員外郎

監衢州清酒務郭昭著並可尚書屯田郎中尚書

虞部員外郎通判廬州陳執方可尚書比部員外

郎制

敕具官任旦等各以更參賓部選或州藩為政頗迪
 惠和或權酷示譴已淹時序並通前績偕集攸司正秩
 員外清曹劇選按名即授尚勛官成可

尚書都官郎中知處州黃禹昌可尚書職方郎中

淮南路提點刑獄尚書祠部員外郎

案此下原制本有關文

敕具官黃禹昌等朕以較吏之法責于攸司官無內外
三歲一考循課卽授褒勸在焉以爾禹昌勤身蹈和白
首無懈以爾越小心絜矩清猷彌劬並累書閱簿參寘
郎闡或華榮爲州藉教條之熟或赤車按部副欽恤之
懷率以年庸愜我朝獎陟司方志貳度國征往服寵階
尚結來最可

應賢良方正科太常博士蘇紳可尙書祠部員外
郎充通判應茂才異等科張方平可秘書省校書
郎充知縣制

敕具官蘇紳等國家振復賢科咨求邦彥非以角空文
于無用蓋將佇遠猶之斯告膺是選者不其難哉以爾
等抗志經墳沈精道素或昌辰委質已列于朝綏或別
都論秀洵偕于計物並能貫穿前載發揮大猶溢奏牘
以獻文藹薦章而署行爰臨便坐躬覽著篇雖異等之
未躋亦洽聞而可錄茲焉第賞誠協育才噫結華綬以
陟郎曹褫野巾而登秘省贊條外闡字俗邇封併示寵
章勉永來譽可

十二考人前明州錄事參軍劉愿可大理寺丞奏

舉人前渭州司理參軍張京可著作佐郎制

救具官劉愿等各以勤廉參于調補或郡綱督罰通續前勞或州獄守公見稱敏識閱其吏啓嘉乃官成宜從振滯之條兼懋舉知之格省僚寺屬勉服榮階可

十二考人前權楚州團練判官高中正可大理寺

丞奏舉人前江陵府節度推官劉湜可著作佐郎

制

救具官劉湜等咸繇吏資早介戎幕或風力清劭見舉所知或勞考優深載符允令得于銓啓嘉乃官成秘局

刑司各備其屬可

十二考人前鎮國軍節度推官知鄜城縣宋展可

大理寺丞奏舉人前權岳州軍事判官監納潭州

茶米場陳選可著作佐郎制

救具官宋展等比者作為恩格差次使勤銓覈有條升獎惟敘以爾等屢由選集出補賓從或假以縣章積勞于功狀或莅乎茗稅見保于監司宜懋乃獎改躋優秩佐郎丞率分以命之可

十二考人前權保大軍節度推官張從宜可著作

佐郎制

敕具官張從宜久調中銓屢賓外府近援赦格歸質歲勤繫書考之滋多顧振淹而有序宜緣信賞俾陟榮塗勉佐蓬丘之華更圖縣綬之舉可

殿中丞知單州碭山縣王文英可國子博士太子

中舍知真定府馮日宣可殿中丞制

敕具官王文英等國家多出中朝臣以宰百里蓋欲寵厥任而惠綏吾民政苟有成賞不淹晷旣以勸善亦俾久官惟爾等榮名儒家效智公局日以謹飭蹈于廉隅

修方累勞遂列閩籍比荷臺詔出撫縣封並能審諭教

條弭服愁艱灼有善狀列在攸司因其大比之辰且光

卽授之寵經庠盾省分以命之益勵乃誠毋替來譽可

殿中丞新差知温州平陽縣楊中和可太常博士

太子中舍張子元可殿中丞制

勅具官楊中和等夫考課之法所以明淑慝而敘功次

也馭厥郡吏存乎彝章以爾等並服朝紳洵更歲籥或

經明有法克劭素猷或門調累勞頗書善狀屬茲大較

咸用序遷議禮曲臺分曹盾省各祇寵渙無替令名可

河東路轉運使尚書兵部員外郎陳琰可尚書工
 部郎中殿中丞通判興元府李公謹可國子博士
 太子中允直集賢院知鄭州呂公綽可太常丞太
 子中舍知明州奉化縣陳世長可殿中丞制
 勅具官陳琰等夫冬部郎曹胄筵師職容臺之卿屬盾
 省之監聯並為華階以敘能吏惟爾等懿文典學完行
 幹材或將漕使輶或剖符寰郡或倅丞于州事或撫輯
 于縣封奩質歲成克厭朝貢宜就增于榮秩且究懋于
 乃勞成命罔私余訓無忽可

尚書虞部員外郎通判益州楚經可尚書比部員
 外郎太常博士知越州蕭山縣王簡可尚書屯田
 員外郎殿中丞前知封州劉直温可國子博士太
 子中舍知漢州綿竹縣趙壹可殿中丞制

敕具官楚經等尚書曹有比勾掌屯之員中朝臣有師
 庠盾省之屬各著官簿以陟吏資惟爾等智效事經籍
 引朝紱或勤于外補方贊郡條或績乃舊勞累光縣譜
 並齋闕來上質歲有周宜序美資交獎成績毋或懈位
 以忝懋功可

尚書比部員外郎提舉兗州仙源縣景靈宮晁邁
 可尚書駕部員外郎國子博士通判南安軍徐紹
 齡可尚書虞部員外郎殿中丞集賢校理知復州
 王琪可太常博士太子中舍知鬱林州查冲之可

殿中丞制

敕具官晁邁等課功之黜陟視勞之殿最我有彝法付
 之攸司以爾等早服仕階進班朝次或華顛郎署或類
 弁經庠或文雅游書林或廉端備儲案並緣外補參積
 歲勤然方奉真祠倅軍壘守支郡撫遐陬宜卽官成序

進恩等今以駕曹虞務絕野盾省之屬分以命之其各
 無忽可

十二考人前權建雄軍節度推官張行成可著作
 佐郎奏舉人前南安軍錄事參軍慎晃可大理寺
 丞制

敕具官張行成等國朝考吏雖黃綬一命皆責在銓審
 而覆于殿庭矧厥累勞固用稽實以爾丞參調補咸寡
 悔尤或年老應于赦條或保任列于公牘宜從信賞于
 以懋官秘省卿曹各備其屬可

十二考人前權保康軍節度推官田穎可著作佐郎奏舉人前陳州司理參軍孫准可大理寺丞制敕具官田穎等間者詔書以吏久不遷始限考法才而可任參責舉知蓋因方任人非可以一故也惟爾等或從事戎幕或訊獄輔州年勤應條薦狀符格覆自銓啓愜于余求省屬卿丞各服榮序可

前權清海軍節度掌書記林杞可著作佐郎前明州錄事參軍錢訪可大理寺丞制

敕具官林杞等或士類美林或王門遺緒並沿官牒久服銓流杞以作記之工載華戎府訪以督郵之敏流聲藩掾薦能累贖鉤課如書蓬丘佐員棘路分案各踐榮次無忝爾知可

大理寺丞通判邕州鄭臾可太子中舍衛尉寺丞知益州成都縣王景良可大理寺丞制

勅具官鄭臾等補吏有資施政惟敏比緣卿屬之選分任邊州之遐或協贊守條或懋成宰課並緣歲滿宜獎職勞儲案通閩法丞署局各祗榮次尙續來勤可

十二考人興元府觀察支使張肅可著作佐郎奏

舉人前真州錄事參軍張孝友可大理寺丞制

勅具官張肅等載名銓符展體官次或序才累牘委公車之封或結課周星無杜陵之殿並列在奏籍應于賞科蘭臺佐郎棘位丞屬勉服並命思稱懋官可

十二考人前益州節度判官尚頌可殿中丞奏舉人前權筠州軍事推官林高可著作佐郎前真定府錄事參軍張立可大理寺丞制

勅具官尚頌等夫中御之丞列朝品著書之佐參仕彥司刑之屬選吏文皆叙才之榮塗勸勞之優秩以爾等

咸有成績調于中銓或年考寢深或保任狎至質諸功狀符厥賞科宜前命于華聯俾陳力于來效可

大理寺丞知蘇州長洲縣薛糾監杭州糧料院杜直並可太子中舍光祿寺丞通判海州石延年可大理評事監徐州鹽稅務王諄可光祿寺丞監霸州鹽酒稅馬湜監潁州酒稅李熙政並可衛尉寺丞簽署鄭州節度判官廳公事王政路可將作監丞太常寺奉禮郎監開封府陳留縣鹽稅務晁仲紘可大理評事制

敕具官薛糾等胄緒之良材敏從政率階京署參服吏文或化協郡條或最聞縣譜或幕籌甚婉或局利載登並稽三歲之庸宜升一等之秩儲寮卿案各懋乃官可

將作監丞王拱辰可著作郎直集賢院制

敕具官王拱辰夫東觀之論著麗正之刊輯皆漢唐樂育之地也非曰時彥疇允恪居以爾業履端和藻章韜映彛繇辭等擢冠士科尋補匠卿之僚仍倅州麾之政而洊銜家卹頗隔歲成比召復于故聯且自陳于素蘊乙篇可喜給札有規逮閱試言茲顯能賦宜通秘丘之

籍兼光書殿之舉欽服朝範循致寵階可

太常博士直集賢院韓琦可右司諫供職制

敕具官韓琦昔蕭望之有言以諫官補郡誠大患也然朝無諍臣所謂憂末而棄本朕甚憚之今茲擢才實曰稽舊以爾器質純茂識畧淹該名高俊科職在文館嘗倅事于京劇旋贊畫于財煩官成有聞朝論惟穆彛觀奏牘求引邸章雖徇使符之行屬圖言責之補且告猷近署與頒條外藩循名旣殊所益良重宜輟往授以服寵班兼去儀臺之名尚仍仙殿之局企佇忠鯁副此獎

甄可

授趙元昊開府儀同三司依前檢校太師兼中書

令定難軍節度使西平王加食邑實封制

門下朕三歲而郊祀修常祀四海以職同歲上儀屬膺
貺施之辰普均慶賚之典眷我良翰撫于西人聿圖成
效用蕃嘉獎具官趙元昊資植端厚器局沈和克負家
聲光啓王爵緇衣以改造爲美甲令以能世稱忠邊最
數聞時事狎至自禋燔前戒妥侑猷升輪珍寶來固圉
惟謹罄露乃心之恪益昭維屏之勲宜錄久勤用參信

賞夫均儀公府酬勞采食實租奉之數叢典冊之華茲
爲寵章並照方國於戲祀惟大事爾協其恭邦介純禧
爾預其錫當懷褒遇之渥母怠輯綬之經往哉若時欽
對余命可

尚書司封員外郎直集賢院李溥可三司鹽鐵判
官制

敕具官李溥曩踐秀科久勤吏事濯纓通籍漸翼爲郎
逮預書林之華再輯守麾之政積資逾久應務爲宜緊
鹽筴鐵官之煩有歲成月要之劇今茲缺屬是以求才

往倅計文尚遲來效可

刑部員外郎直集賢院柳植可三司鹽鐵判官制
敕具官柳植國朝合三使之任商萬方之利置副率屬
用相維權缺員之舉繁才是擇以爾志尚凝簡謀略淹
該夙懷懿文遂踐高第尋被陵莪之育久帖書林之直
況剖符名部去輒見思運籌會府試于已效比雖慎求
雋望對記爾言而綽有兼資可備煩使宜伸體軀之器
分贊鹽鐵之務遲乃成績光余類能可

右正言直集賢院吳育可三司戶部判官制

敕具官吳育左右之曹諸案爲劇分贊使範允歸才舉
以爾言行偕敏吏雅兼資濯纓諫垣抱槩書府臯藉聲
實試予財煩操籌所更奏刃彌熟宜居地版之佐姑重
計文之選可

侍御史馬絳可三司戶部判官制

敕具官馬絳夫地官有聯使介爲重缺員之補繁材是
擇以爾性理淳暢行能廉簡久試吏事階服憲僚雖夙
夜以首公實夷退而行已宜攝兼局俾效所長惟登版
上計之繁有衰征慎賦之要往蒞乃職佇觀厥成可

崇勲父累贈太師中書令兼尚書令全美材資忠淳並
 裕介而難進勇且知方包義府以自高撫生涯而永慨
 任雖靡撫慶則有餘藹然身支列在人傑勤庸稔于帷
 幄威望著于藩垣光我臣鄰本之義訓曩旌遺烈屢賁
 幽塗雖服袞之載華顧苴茅之未啓龍舒胙國躬桓飾
 圭並示滿泉之榮益紓濡露之感可

元憲集卷二十三

元憲集卷二十四

外制

宋

宋

序

撰

尚書禮部侍郎參知政事石中立除尚書戶部侍郎
 郎資政殿學士制

敕登賢于朝所以贊機務均逸于位所以優考成矧左
 戶亞卿之聊西清別殿之職合是寵數且解近司以爾
 具官石中立文雅兼資夷素無競早階朝弁遂服禁林
 自書命于掖曹旋升華于侍從藹然休問溢于公朝

藉珪璋之姿入參槐鼎之重左右大政勤勞厥躬年序甫周道冲彌勝宜適終謙之吉憫嬰賦政之煩特進寵名仍光秘秩往膺兼授尚對徽恩可

著作佐郎監洪州酒稅鄭修可秘書丞監檀州稅務于可度可太希左贊善大夫制

敕具官鄭修等籍佐京司勤宣吏局或權財官釀或收算門征並循齋伐之規來滿計年之格宜酬善狀擢寘外朝書省卽遷儲坊序拜姑仍續課尚謹終譽可

大理寺丞監南劍州商稅張鑑可殿中丞簽書西

京留守判官廳公事王珣瑜可太子右贊善大夫制

敕具官張鑑等或席蔭效官或緣儒補吏曷繇卿屬參委事經都幕借籌郡征書最率授考法來諭歲成殿監有僚宮坊著籍宜孚賞典並服朝聯可

太子中舍劉德之可殿中丞大理寺丞溫嗣良可太子右贊善大夫制

敕具官劉德之等咸以吏勤恪于官次或縣章歷試多列最凡或訟牘見誣近蒙澄雪並越歲成之目宜偕朝

渙之恩盾省分聯儲坊有籍各祇榮序尚服修箴可

江南西路提點刑獄尚書都官員外郎晁宗簡可

尚書司封員外郎尚書屯田員外郎通判鳳翔府

崔嶧可尚書都官員外郎太子中舍監兗州酒務

王整大理寺丞知南雄州陳鑄並可殿中丞大理

寺丞知福州長溪縣鄭戡可太子中舍制

敕具官晁宗簡等並稱吉士參服具僚或使轂糾循近

承朝委或州符倅守交輯政經或卿屬佩縣章或宮官

掌酤利雜焉會課咸克應條郎省分曹殿廬贊府逮于

儲家莫匪朝榮卽寵爾勞用信吾賞可

尚書比部員外郎知房州徐弁可尚書駕部員外

郎尚書屯田員外郎通判楚州沈周可尚書都官

員外郎國子博士陳宗纘可尚書虞部員外郎殿

中丞監台州商稅趙德亮可國子博士大理寺丞

知案原缺州滴河縣張利可太子中舍制

敕具官徐弁等夫序官之方責實爲效功賞所值寄于

平衡茲乃一邇遐而均勸沮也爾等並緣仕牒參服王

畿或郡縣布條或閨臺引籍或貳藩有最或征旅載勤

咸以歲成列在恩格星闈郎選米廩胄師逮于儲坊亦
寵朝紱差次而授各竭乃衷可

大理寺丞知威州趙祐可殿中丞知雲安軍李敏
可太子中舍制

敕具官趙祐等各服吏資參補卿屬彙分遐徼之守通
嗣前勞之庸計最上聞恩典無廢陪官盾省引籍震坊
有著于朝且寵其任尚結終課思稱序遷可

殿中丞監在京豐濟粳米倉李宗傑可國子博士
大理寺丞尚正德可太子中舍制

敕具官李宗傑等或經生服官或蔭格延賞智効茲久
歲成屢更而參掌倉儲之煩外司酒利之筦通質前課
抑惟舊章國胄清階震坊華籍宜從並命且寵稍遷可

大理寺丞知河南府登封縣李虞卿可太子右贊
善大夫監河陽清酒務聶德一可太子中舍制

敕具官李虞卿等並飭吏資旅參卿屬或邑圻敏政或
官釀庀司齋伐于朝甄勞滿歲訖無殿狀胥協寵階宜
對踐于儲坊且通榮于閨籍益虔官守尚對恩褒可

太子中舍劉世寧可殿中丞大理寺丞劉文正可

太子中舍制

敕具官劉世寧等醇謹服官綢繆累課或序華儲禁或列案刑卿率職殊聯稽勞比牒宜錄歲成之效迓遷朝著之榮可

尚書虞部員外郎侯渭可尚書比部員外郎殿中丞楊歸一可國子博士制

敕具官侯渭等夫展體營職臣所以事上計課遷秩朝所以懋官績苟有成恩必爲遴以爾等階榮仕牒陳力公家籍預闡臺政更郡邑比獻累勞之狀率符覈實之

條郎署有員經庠列局各欽明命往服乃僚可

尚書都官員外郎前通判宣州江鎬可尚書職方

員外郎殿中丞通判秦州董經可國子博士制

敕具官江鎬等國家叙材之方考績爲實故吏無內外三歲一比以爾等或躬蹈儒訓或善襲世謀並飭吏文來引朝禮彛參倅事之選且寄類能之勤涉此閩成咸以課舉覈狀有次增秩爾宜司域美曹教育清品各服明賞用勸庶工可

太常博士通判滑州王述可尚書屯田員外郎殿

中丞前知濰州徐起殿中丞通判安肅軍祁可久
並可國子博士制

敕具官王述等故事考吏必計功限歲而面陟之若官
參外聯身隔歸課者乃稽成卽授急示明勸以爾等或
論秀筮仕或承學中科並濟吏資稔服朝範爾述適居
輔郡贊我帥臣協用教條能罄風力起與可久皆任在
邊壘狀集攸同勤庸相當褒擢非吝宜承郎宿之務且
進經庠之師勉蹈攸箴毋忝公賞可

太常博士通判福州謝微可尚書屯田員外郎殿

中丞通判沂州張薦可國子博士制

敕具官謝微等夫郎官博士皆往代之高選也因革雖
異名品尚優制厥朝聯往待功次以爾等踐揚闡籍緣
飾政經或倅事閩區甫從臨遣或贊條沂水未及代還
並當歲月之遷難稽善最之賞各循華級益蹈清規可
尚書駕部員外郎知龍州張舜元可尚書虞部郎
中尚書屯田員外郎通判明州皇甫宗孟可尚書
都官員外郎殿中丞通判沂州周踐可國子博士
制

敕具官張舜元等首虞書考績周家大比率用三歲以覈衆功國朝因之所以質官成稽古道也以爾等敦修士檢勤曉政經或承學中科或富文飾吏並參華朝紱營職郡條遐俗安安善部澄一雖守麾關掌之名異而類能稽伐之理均功狀可嘉恩典非吝序升郎秩改服師庠勉膺卽授之寵用穆有獎之制可

尚書虞部員外郎知同州張師錫可尚書比部員外郎殿中丞知端州趙時殿中丞通判秦州楊文舉並可國子博士制

敕具官張師錫等夫臺郎有總勾簿領者于諸曹爲劇學官有訓課國子者以博士爲優分職雖殊公選猶重以爾等或食德之裔或通經之良並久服朝班分攝州任剖符倅事限關踰嶺附課來會增秩有常並懋所居之勤且階卽授之寵可

西京作坊使知洛州張明可左武衛將軍權判左金吾街仗六軍儀仗公事內殿承制蔡州兵馬都監裴化鱗可左千牛衛將軍權判右金吾衛仗公事制

敕具官張明等夫環衛建官有經武執刀之率徼循按隊有慎街訓仗之禁分職乃事時惟寵名以爾明早服使勞攝藩符之重以爾化鱗鬣由殿省督州旅之屯並龜勉公家驅馳晚節深念使藩之效久嬰補外之勤宜換峻班特均優秩且參華于引籍實賁號于銜珠勉蹈寅恭以對褒擢可

前尚書金部員外郎王惟正前太常博士李東之並服闋可舊官制

敕具官王惟正等向以罹閔家庭解官朝紱並遵經禮

克守通喪燧穀載周苴麻有訖司珍外秩抱絕清曹各膺還次之恩用光移孝之美可

前尚書比部員外郎張師錫服闋可舊官制

敕具官張師錫隸惟內艱自解榮籍華首而慕素鞞有終宜因禫祭之除往復朝聯之舊勉思移孝且體斷恩可

前國子博士梁惟吉服闋可舊官制

敕具官梁惟吉頃嬰家疾言謝朝聯燧穀再新禫祥有訖復從王事茲實禮經勉循移孝之方姑踐服官之舊

可

前秘書丞馮適前秘書丞集賢校理彭乘並服闋

可舊官制

敕具官馮適等嚮執親喪自禫朝紱並銜終歲已及外

除嘉克蹈于禮經難久辭于王事宜還舊貫勉服茂恩

可

殿中丞致仕田儼服闋可舊官制

敕具官田儼曩膺家戚遂離官次喪期有訖朝恩惟序

宜還盾省之秩尚遄鄉閔之歸可

前殿中丞魏莊等服闋可舊官制

敕具官魏莊等曩者各執親喪並去官次苴麻如禮燧

穀再新宜散祥琴之哀復還朝弁之吉斷恩移孝欽我

寵章可

前著作佐郎周沆前大理寺丞蘇安世並服闋可

舊官制

敕具官周沆等曩違家艱並去官籍禫祥有數燧穀載

新宜抑孝心之隆復還王事之守斷恩展體用適禮經

可

前光祿寺丞錢揆服闋可舊官制

敕具官錢揆曩執親喪自離官籍奄終祥禫已復故常勉勵移忠之心姑還主膳之次可

前大理評事丁瑑服闋可舊官制

敕具官丁瑑曩服親艱憫勞王事惇然去職訖此終喪宜抑御琴之哀復還聽棘之屬可

前太常寺太祝林克讓服闋可舊官制

敕具官林克讓曩屬家艱俾解王事喪期有數祥祭遂除宜服故官以嗣前績可

沿堂五院承引官將仕郎守京兆府別駕張昭吉

可右千牛衛長史充沿堂五院副行首制

敕具官張昭吉祇事宰庭編名府屬職于贊道協乃幹恭宜進叙于缺員且副升于右列兼榮衛佐勉服朝恩可

起居舍人知諫院姚仲孫可尚書戶部員外郎兼

侍御史知雜事制

敕漢家以文中御史參遷目唐制以郎知雜事雄官儀明其緣飾風采濟于幹用然後能振綱紀而澄姦伏也

我有公遷屬之名材以爾具官姚仲孫肅給自將和正無撓早服賢舉亟給吏勤擢朝貴之華入光諫署之列重以言責涉于歲期嘗疇厥勞進序清秩而造膝靡懈視履有方善非近名直不爲訐迹其雅尚宜渥寵褒俾階左戶之榮改率南臺之屬樹聲措枉茲有望焉可監察御史裏行高若訥可尚書主客員外郎兼殿中侍御史裏行制

敕具官高若訥志操清淳風宇韶令早繇辭等擢在雋科自襁巾于仕塗速引籍于朝紱曾靡他吝休有厥聲

比緣慰薦之章寓行察視之列屬攸司大校舊課有成通覈歲期當懋恩典俾升郎位之寵且參殿中之憲往服兼命無懈迺誠可

鎮安軍節度使同中書門下平章事呂夷簡元隨袁宗可銀青光祿大夫檢校國子祭酒兼監察御史武騎尉充教練使制

敕某下元隨袁宗早率隸勤載懷忠事屬吾元弼均逸近藩嘉其執侍之良協乃補除之次綬紆庠秩憲職武勲併示寵私勉懷祇恪可

贈太保中書令王曙元隨高貴可銀青光祿大夫
檢校國子祭酒兼監察御史武騎尉充教練使制
敕某下元隨高貴早繇家隸事予台臣屬茲終位之哀
軫以服勞之舊正名牙職攝寵朝階勉荷遺恩以終初
惠可

銀青光祿大夫檢校國子監祭酒知溪洞峽州軍
州事兼監察御史武騎尉舒通旻可加雲騎尉制
敕具官舒通旻邊種推豪世官內屬久祇疆事能稟朝
規屢全出徼之俘彌顯來王之節騰章自達疏賞攸宜

俾進勲名用光忠效可

熟戶俞龍潘可銀青光祿大夫檢校國子監祭酒
兼監察御史武騎尉制

敕秦州永寧寨熟戶俞龍潘乃父以祇服世勞奉承邊
略奄遺緒業屬爾後昆繼軫淪亡次須紹襲宜擢升于
軍簿俾保訓于族人仍視官榮且謹吾圉可

會崇配于嚴陔咨領使于容蕤繁爾儻導成我肅恭固
當進于榮階衍以多邑且旌親近之選兼茂講求之勞
益綏善猷往敷徽數可

入內東頭供奉官于德源可內殿承制制

敕具官于德源恪職禁庭序勞使籍凡更指任咸著勤
庸慎秘殿之參承訂外朝之拱集宜從超拜用示優褒
益勵乃誠無忝官次可

入內西頭供奉官勾當御藥院周惟德可內殿承

制制

敕具官周惟德以懿愿之資補禁殿之籍率力彌厲將
指弗渝兼藥劑之嘗亦更歲律之籍宜疇謹幹超序
班聯惟承命于殿中實均儀于朝右往祗優渙無廢前
庸可

內殿崇班焦宗約可內殿承制制

敕具官焦宗約食德侯家聯榮戚里仍偕累課遂服華
班繁爾好述之宗乃余自出之懿式嘉嫺近奄及淪亡
矧遺札之上聞且令夫而為請宜緣永悼特渥寵章俾
進殿塗之趨無為世闕之忝可

內殿崇班曹傳可內殿承制制

敕具官曹傳重侯之門藉蔭而仕風華有裕謹敏自將服在榮班無忝勲閔矧中闈之昵屬輔良冶之美才宜進殿聯且光親籍往祇渥洽罔懈踐修可

內殿崇班夏元規可內殿承制制

敕具官夏元規地承勲胄名列禁班拳勇知方敏勤無累眷言乃父方總衛師援恩典之常科庇身支而有請所宜進秩用獎教忠勉服內聯以光華閔可

太常少卿張宗誨可四方館使文州刺史知貝州

制

敕賓館置使方奏是司州符長人郡寄爲重允是蕃獎屬于兼材以爾具官張宗誨風力精明志用沈果出于槐鼎之緒濟夫几案之資久服朝聯遂階卿亞中外所歷闕閱已彰然惇學有初晚節彌厲比閱論兵之奏益嘉徇國之謀將適所長固當易授宜均榮于外著且增采于禁班勉佩褒華以伸忠蘊可

奏舉人前權邠州軍事判官胡思聰可著作佐郎制

敕具官胡思聰鄉秀榮名吏銓隨牒擢參賓畫介在邊
藩實有將漕之臣胥暨通閩之士咸條善狀分集攸司
覈實孔彰懋勞惟允陟于秘佐勗乃官成可

前同州馮翊縣令張造可著作佐郎制

敕具官張造吏銓結課殿最有常詔恩舉知保任爲重
向非佳吏曷光清選以爾早服儒行嘗擢俊科廉以自
將文而毋害頃字氓于大邑能寡悔于厥躬齎伐上聞
薦章可復佐于秘局旌乃官成欽服寵章以終素守可
奏舉人前揚州觀察支使黃昌齡可著作佐郎制

敕具官黃昌齡久籍中銓累賓大府雖本階門蔭而見
許吏資薦寵狎聞滯淹可恤宜參賞格進序京曹往佐
著書之庭尚酬入幕之畫可

開封府兵曹參軍王翼可著作佐郎制

敕具官王翼文敏中科身言補吏掾于京劇再結歲勞
府列薦辭朝無吝賞擢佐著書之選尚領坐曹之務可
奏舉人前應天府推官謝郛可著作佐郎制

敕具官謝郛材服俊良行歸廉素擢科選見重賓籌
宗工外臺連啓交薦擢參書省之佐姑信吏銓之賞可

奏舉人昭信軍節度推官前知興國軍大冶縣同
監買茶場張經可著作佐郎制

敕具官張經藝文而仕廉智自將再珥賓簪參司利權
薦能累牘稽實盈條宜佐局于蓬丘且漸榮于磐羽可

奏舉人前湖州烏程縣令王稷可著作佐郎制

敕具官王稷推秀士林階勞吏牒縮銅被選製錦無傷
近署薦能外臺舉最章交軍府謀協銓條宜升譔著之
佐且寄品流之賞可

奏舉人前江寧府上元縣令兼管勾府學任凱可

著作佐郎制

敕具官任凱丘園之良造秀階選雖褫巾補吏而挾策
名家鄉徇守臣之章俾興郡學之法兼宰劇邑姑慰後
生風政並修慰薦尤數宜用銓部之啓擢佐史筵之郎
勉服恩華尚寵儒業可

尚書比部員外郎通判舒州趙温瑜可尚書駕部
員外郎尚書虞部員外郎知道州譚嘉言可尚書
比部員外郎制

敕具官趙温瑜等階蔭宿官第勞引籍或布宣郡詔或

通刺守符歲課上聞郎選惟序宜均郎授之寵且懋稍
遷之勤可員

天平軍節度使檢校太師同中書門下平章事判
河南府王曾男太常寺太祝紹可將作監丞禮部
尚書知亳州晏殊男明遠可秘書省校書郎資政
殿學士尚書戶部侍郎薛奎親姪男房孺可將作
監主簿尚書戶部侍郎知廬州陳堯佐親孫男知
愚可將作監主簿尚書戶部侍郎知永興軍范雍
親孫男子初可將作監主簿翰林侍讀學士兼龍

圖閣學士尚書工部侍郎權知開封府程琳堂弟
温瑜可試將作監主簿制

敕具官王曾男紹等稟和令胄服業素風率在妙齡未
參初仕適因誕節旅集慶儀乘嘉會之均休復乃親之
言念願延賞典以啓榮階循厥舊章俾覃渙渥卿曹書
省正秩試官差序以陞勿忘祇勗可

樞密直學士知益州張逸外孫姚穀可試將作監
主簿制

敕具官張逸外孫姚穀越在童牙甫親師塾惟乃外門

之懿時余邇列之良方寵奧藩翼惟麗澤宜試榮于匠
屬尚慰心于母黨可

皇姪故如京使從善可贈刺史制

敕具官從善宗籍之英王藩衍祚早被恩于敦族亟階
寵于陪官洵服使華克敦朝矩方竚麟趾之盛參固犬
牙之封而邁診弗瘳殲良遽及眷言短歷深軫余懷特
升號于竹符且庶儀于密印魂而有識尚或嘉茲可

中書試西上閣門使除懷州刺史制

敕文武之効濟治式均出處之寄惟才是擇矧州部之

雄重有民政之撫綏必埃茂庸乃付茲任具官某志懷
沈果謀術淹該服煩使而有初露美材而滋久風華自
飾忠謹內充自列職于禁闈實練儀于朝著訖無貳事
休有厥勞酬其使範之誠易以介人之重矧茲近輔屏
于中邦有旌纛以輔威有圭符而分契政之厯則興歎
于閭里化之得則蒙潤于京師今茲作牧之榮可亮簡
心之極宜思尤效以篤前庸無俾刺舉三河之人專美
于漢牘也可

落軍權正授團練刺史制

敕國家經武有常懋功至慎苟勞于久次則寵以番休亦將均燕瘁之宜一中外之使具官某志懷颯果姿局雄嚴早奉戎昭進司王衛訓顏行而知勇肅師律以無譁忠效著聞歲期屢易特峻圭符之數用酬夙夜之勤往踐使聯罔替嘉績可

管軍加團練刺史制

敕王者崇衛帥兵分建營府必咨忠慎以領訓齊具官某早志戎韜洵階勇爵自撫循于瓜士克震疊于旌和歲月屢周勤勞匪懈稽功有典進秩爲宜遙視圭符叙

升師領益輸亮節以服明恩可

京西路轉運使尚書度支郎中楊日華京西路轉運副使尚書主客郎中林澠三門白波發運使尚書比部員外郎王隲並可加勳制

敕具官楊日華等朕以屬者先後陪陵西畿歲役眷言經用參責攸司訖事在辰計功有典以爾等各緣吏伐分領使權或調食于寰封或董舟于河次率勤供億胥濟繕營勲級之華朝章惟重俾書于策用寵厥官益勵風聲且稱甄獎可

尚書主客郎中判大理寺司徒昌運加柱國國子
博士權大理少卿公事呂紹寧加輕車都尉國子
博士通判齊州淳于佺殿中丞周孝孫審刑院詳
議官太子中舍李倩並加上騎都尉制

敕具官司徒昌運等朕鄉以官司之繁法禁惟錯倚請
託庇日以益滋顛末相違遵用靡據是命爾等設局而
審議之彌歷歲躔協比曹屬而能分條輕重之目總括
繁簡之中成篇載勤列牘來上其有宣力參半補吏外
遷逮此圖庸固當均賞宜並升于勲籍且增勸于朝猷

欽踐寵階毋替厥服可

太常博士集賢校理知臺州范說可尚書祠部員
外郎國子博士通判成德軍陳及可尚書虞部員
外郎右贊善大夫知汝州梁縣呂師簡可殿中丞
外郎制

敕具官范說等尚書諸曹參知承務鉤盾華省咸率屬
僚因其寵階式叙功次以爾等早勤智效祇服朝規或
預校中經正簡編之謬或往釐外職成郡縣之勞並攷
攸司莫匪嘉績疇其歲滿易乃官聯增秩以畱勉終來

效可

尚書職方員外郎知歸州沈厚載可尚書屯田郎
中殿中丞知平定軍樂平縣張傑可國子博士太
子右贊善大夫通判吉州晏融可殿中丞制

敕具官沈厚載等夫稽功緒陟官成頒之歲期蓋有彝
法故虞考績而周大比也以爾等或學古優仕或藉蔭
累勞適于吏資服我朝著並緣郡縣之績參有新故之
勤通會課條率應恩格郎曹茂秩庠局美聯逮于盾省
之華咸稱閩籍之選各懋終譽無忝稍遷可

太常博士前知富順監戴翼可尚書屯田員外郎
太子中舍通判蔡州王康可殿中丞制

敕具官戴翼等夫尚書以墾田爲郎鉤盾以中御率屬
皆一時功次之選也以爾等或鄉秀來任或經術自將
咸服吏資實我朝紱惟翼遠勤巴徼而成課可甄惟康
近倅汝南而前勞未錄闕于考簿協乃歲成宜懋當遷
之資益圖報稱之效可

十二考人前權資州軍事判官孟化成可著作佐
郎奏舉人前彬州宜章縣尉監温州大富南監張

士遜可大理寺丞制

敕具官孟化成等各沿吏牒亟調銓流或從事戎旃久而無過或商功鹽策訖于有勞憫其歲日之淹嘉乃監司之薦宜從陟狀進服榮章秘局卿丞毋忝分命可

十二考人鄆州觀察支使王為可著作佐郎奏舉人權寧海軍節度推官吳感可大理寺丞制

敕具官王為等國家旌宿官之勤明舉善之法合以求士宜無棄才以爾等早調銓符並隨賓檄或積勞書考已及周星或沈雋伸知見稱累牘嘉聞吏啟俾陟京聯

郎佐卿丞各服褒命可

尚書司封員外郎直集賢院判三司開折司兼提

點催驅公事王皞可尚書工部郎中制

敕具官王皞積星蔚然著象郎位若訓工官贊事典者又俊選之極摯以爾家慶憑厚材資幹蠱曩奮辭蘊茂擢秀科游服朝綏之聯久更書殿之直曩繇郡最參理計文當逆受鈞考之煩罄推行靡密之效質乃歲課愜予褒章宜正屬于列曹尚宿業于司會勉恪新命滋樹令猷可

尚書屯田郎中知曹州陳師古可尚書都官郎中

尚書職方員外郎通判荆南府吳有鄰可尚書屯

田郎中制

敕具官陳師古等臺郎有督中都之隸覈墾田之實者

本朝遷補率以茂材吏處之惟爾等咸踐秀科久通榮

籍官宿其業吏飾以文或剖符為州地切寰服或倅條

分政事叢督府且有舊課列之攸司三周質成連最當

陟宜進星鳥之次益蹈羔羊之規仍懋來勤俾久于職

可

和州司馬范極可泰州司馬制

敕具官范極早籍銓流存擢殿格昇坐勢交之援實從

軍佐之遷屬乃禔燔大霈恩號滌瑕有典易地為宜勉

新令圖尚弭前悔可

林獻可移袁州司馬制

敕具官林獻可鄉者果于貢辭寘在班籍繼繇賄墨謫

佐軍司而靡念省非輒復干上託緣夢寤陰濟訟仇迹

其初心弗忍嚴譴俾移遐郡且警狂夫尚記昔言之忠

俾仍典午之籍可

三司戶部判官尚書刑部郎中劉賽可尚書兵部

郎中制

敕具官劉賽臺郎之選雖有彛序至于內外兵之劇則高才異最者處之以兩文行交修風采兼劭久紆朝紱洊攝郡麾治無苛聲去有餘頌早旌吏伐參握計籌曾未踰時輟以居部比緣財使之缺復被召還之音官雖屢移課則通考宜繇司寇之宋升備夏卿之屬且勤會要用服寵甄可

尚書主客郎中知潭州夏侯或可尚書金部郎中

制

敕具官夏侯或昔漢二千石有治效者輒璽書勉勵增秩賜金國朝稽勞懋功卽賞于外亦其義也惟爾踐儒科之目通吏師之學游懷章而出守亦馳傳而糾刑賁我周行多歷年所頃資劂刃入贊計籌而湘潭之邦符竹須代輟以居部會其質成按有司之類能通三載而論績且因善狀爰俾敘遷司珍劇曹應宿華選寵之新秩時惟勗哉可

熟戶訥呀約蘇可本族軍主制

敕具官訥呼約蘇世豪西鄙籍隸諸酋善稟朝規協祇疆事蠹茲克盜奸乃禁防嘉戢捕之有勞願賞勤而斯允俾還族帥用獎戎昭可

環州蕃部沃協等可本族副軍主制

沃協等世保疆陲地雄種落眷言乃父實主團兵奄邁凋殂固當嗣襲矧見推于尺籍宜並副于軍幢勉服茂恩用光先職可

殿中丞馬坤崔中正薛貽應並可國子博士制

敕具官馬坤等各服吏勤序升朝品勵廉隅而有素守

科指以無違歲籥洵周功簿來上嘉其寡過協乃推恩宜並命于經庠且勸能于官次益敦素履無廢前勞可登仕郎太常寺太樂正張用成可太樂署丞將仕郎守太常寺太樂署副樂正張惟慶可太樂正太常寺攝樂正孟化琮可將仕郎守太常寺太樂署副樂正制

敕具官張用成等參習樂華奉承署表率工師而宿業彌歲歷以書勞官缺備員籍當次補或進丞本局或聯正爾司各服寵階罔替成效可

公惟節惠之舊章實經世之明勸不有正義孰旌遺烈
故贈具官寇準器質莊重風猷簡貴感會先聖綢繆上
司明心若丹直道如矢逮余主鬯之日實乃秉均之秋
圖惟協恭罔有二事構盜言之噂沓挾危法以中傷白
璧易汙貝錦難辨再罹遐謫遂歎云亡終非零雨之歸
徒軫幽泉之痛間雖存伸澄雪追賁寵嘉而誅行易名
尚闕茲禮沈謀碩畫淪于疑論逝者莫愬朕甚憫之諡
法有危身奉上曰忠佐國遭憂曰愍合是休典慰其塋
魂可賜諡曰忠愍

尚書祠部員外郎集賢校理同知宗正寺趙槩可
尚書刑部員外郎制

敕具官趙槩尚書諸郎雖功次遷授至于首曹劇選則
以雅望處之爾業履清淳韻宇和秀早階俊譽升寘上
科尋服書林之游嗣結軍牙之最入承尹政休有吏資
曷請豫章之行方均渤海之寄屬余宗籍慎補乃僚亟
命召還且俾參攝眷惟舊課通覈攸司宜循載績之規
進聯寇部之屬欽率優典彌劭令猷可

敕具官李虞卿緣文有資階蔭而祿比繇評讞之秩外寄絃歌之才三年質成百里兼最膳卿補屬令組載華勉續前勞尚佇來賞可

大理評事監海州酒稅王誨可光祿寺丞制

敕具官王誨世祿妙年相門餘慶比從外掌克服攸箴滿歲敘勞倍官有秩宜參膳卿之屬且酬海邦之筦勉履寶訓無忝茂恩可

十二考人前權福州支使張貴和可大理寺丞奏舉人前知陳州宛丘縣宋孝孫可衛尉寺丞制

敕具官張貴和等序登仕籍祇率官常並敦勤吏之風罕絀簡書之責比因成課來調中銓或赦令之議年或薦章之保任質于彝典符厥賞條俾補屬于卿丞且勸能于選部可

奏舉人前撫州司理參軍孟造可衛尉寺丞制

敕具官孟造本偕鄉能入服銓調嚮司犴獄介于江湖而民挾詐輕吏困叢密惟爾善職訖無煩辭交章以聞覈課尤審宜酬歲考升佐衛卿益懋修方之勤且光擢俊之舉可

奏舉人前鄧州司理參軍歐陽宗閔可衛尉寺丞
制

敕具官歐陽宗閔夫選條以累勞為資格詔書以陟狀
舉滯淹勤庸相當乃議甄擢以爾處躬無玷効智有初
洵更州縣之勞罔絀簡書之責灼焉善最副厥薦言宜
改佐于卿司用勸能于公路可

太常博士集賢校理錢延年可尚書祠部員外郎

制

敕具官錢延年世德載靈孺年筮仕早嘉學治之劬參

服讎書之勤亦既登朝洵俾從政頃倅州事自違家艱
逮闕制而復官屬稽勞之滿歲司禋列局承務有聯且
寵握蘭之資更光抱槩之業可

太常丞直集賢院判三司都理呂公綽可太常博
士制

敕具官呂公綽唐典博士隸奉常者為六品清官曩制
相沿今選尤重以爾氣調秀舉才致敏通雖籍公臺之
華躬修儒素之檢以奏技帖前職以累伐佐計籌參會
課條甫越朞閏宜絲陪棘之屬進繕置茅之儀姑為寵

階尚服煩使可

秘書丞知鬱林州黃中可太常博士殿中丞監真
州權貨務孫祖道可國子博士制

敕具官黃中等夫考吏之法覈實爲先沿勞限年按狀
遷秩則政不墜而才有敘矣以爾等或懿文筮仕方爲
政于海區或精力首公適幹利于江界並列成課集于
攸司宜從歲滿之遷以勸官成之效禮臺學省博士有
員卽而授之勉服華寵可

殿中丞陳希亮可太常博士制

敕具官陳希亮曩繇辭等服我仕途官率攸箴文能毋
害比成縣譜之治入齒朝紳之華自上歲勤參符考目
俾繕儀于漢苑且光績于虞篇往踐榮階益固清守可
前鄭州原武縣令游開可著作佐郎制

敕具官游開業文登科絜矩從政比爲右輔之邑見舉
外臺之章銓覈上聞朝恩有典宜參秘籍用寵官成可
淮南轉運使李昭述男仙卿可試秘書省校書郎
制

敕具官李昭述男仙卿乃父以望郎之華膺別使之選

授節云始任子有常矧鱸序之令門服鯉趨之清訓膺
茲延賞必克嗣徽往試讎書之榮無忘食德之舊可

益州路轉運使楊日嚴男公度可試秘書省校書
郎制

敕具官楊日嚴男公度任子之令所以褒官勤而延世
賞也惟乃父察使于西州方促萬里之行曾無九折之
憚宜榮吏牒以寵親庭優學勵躬無忝來遇可

廣南東路轉運使龐籍男元魯可試秘書省校書
郎制

敕龐元魯乃父以被詔天臺揚旌嶺服方罄首公之節
且授任子之恩將責使勞宜推世賞免膺學筮以寵私
門可

駕部郎中致仕辛惟簡男炤可試秘書省校書郎
制

敕具官辛惟簡男炤迺者詔書吏有引年辭仕者許上
一子名以補吏所以寵退身厚世祿也乃父惟簡老子
郎潛願去朝班且及恩典庇嗣之請今俾往試讎書勉
蹈清規無忝余賞可

前鄉貢進士石洵直等三十三人並可守秘書省
校書郎制

救石洵直等迺者深詔庶邦並舉髦士必加參練乃允
詳求以爾等署行鄉書露材貢部紛懷鉛而就列咸摛
藻以奏篇蔚有深辭可躋異等因其中選榮以修方秘
局校文京員錫綬敦儒範以對朝恩可

門河北都轉運使楊偕姪孫景芬可試秘書省校書

郎制

敕具官楊偕姪孫景芬爾之從祖久服計臣比升榮聯

且委雄部適駕言于使傳遽餘蔭于私庭責效云初延
賞奚吝俾試讐書之秩用懋貽孫之謀可

廣南東路轉運使鄒覃男之才可試秘書省校書

郎制

敕具官鄒覃男之才乃父臯服詔恩遠督方漕頻海之
部踰嶺實勤且援比以上書願因勞而任子眷言遐役
宜允所陳俾試讐書之榮無忘延世之獎可

廣南西路轉運使尚書都官員外郎韓琚男景修
可試秘書省校書郎制

敕具官韓琚男景修以乃父進服朝恩遠將使漕眷言踰嶺之部方責乘輅之勤受節云初需頭有請固宜延賞參勵教忠特試誦書之榮且盡任子之典可

尚書比部員外郎知澤州孫昌可尚書駕部員外

郎國子博士通判鄧州呂務簡可尚書水部員外

郎制

敕具官孫昌等昔漢明帝有言郎官應列宿宰百里非其人則民受其害況攝郡榮倖藩條者乎惟爾等或通經而才或藉蔭而仕並絜矩從致濯纓登朝而方出

高平關掌宛下新績舊課通質歲成宜進諸曹之聯且光所部之寄欽服並命毋替寵階可

尚書屯田員外郎黃汴河催綱劉立言前通判台州閩鼎可尚書都官員外郎制

敕具官劉立言等懷文飾吏選俊爲郎或護漕河渠或贊條符竹並階前績通續今勞宜循滿歲之格進貳中都之秩兼仍事守以結最凡可

尚書比部員外郎通判嘉州郭宗禮可尚書駕部員外郎尚書虞部員外郎通判祁州成壁可尚書

比部員外郎國子博士知貝州歷亭縣成道升可

尚書虞部員外郎制

敕具官郭宗禮等尚書郎有掌輿駕鈎簿領典虞衡之職皆曹劇任要列于天臺時惟寵名以待功次爾等通經筮仕從政累勞六計本乎至廉一心蹈于無懈或關決州務或仍宰縣封歲月有成凡最來上遞進某等咸協乃庸無渝素誠忝我休命可

尚書虞部員外郎知金州師仲說可比部員外郎

高平太常博士知貴州陳堅可尚書屯田員外郎制

敕具官師仲說等夫稽歲質成世有藝法故虞陟明宣責實皆是物也爾等或食德之裔或修辭之良頗濟吏文寘我朝紱並緣靡盬之效出副惟良之求雖姚墟舊藩駱越遐境成績未報前課可甄比勾劇曹頓升華序各膺郎位之選尚結州麾之最可

尚書虞部員外郎張楷可尚書比部員外郎制

敕具官張楷久服師規序參郎選嘗奉行于寬詔俾攝守于名城屬此還臺適當會課酬其歲滿寵以階升往踐勾書之曹彌遵絜矩之訓可

尚書虞部員外郎梁餘慶可尚書比部員外郎制
敕具官梁餘慶學古而官累勞以日旣階最日序充郎
位比關隴倅事條教有倫逮茲還臺適遇稽伐宜承比
勾之務且寵年庸之勤勉服稍遷以格來舉可

太常博士施昌言可尚書屯田員外郎制

敕具官施昌言識理淹深風華秀舉曩由高第仍佐外
藩政海考于歲成學不忘于時敏迺者嘗俞奏牘命試
禁林逮給札以來目成篇而喜嘉其進業寵以爲郎勉
蹈儒猷允光朝序可

太常博士劉適可尚書屯田員外郎制

敕具官劉適辭誠並修器幹兼裕早中科等遂服政經
刃解煩而有餘文飾吏而毋害自引籍朝著結綬縣章
官靡曠離歲亦淹久嘉其奏課寵以爲郎宜踐田曹之
華且光磐羽之漸可

太常博士前知夔州巫山縣魏平仲可尚書屯田
員外郎制

敕具官魏平仲器韻清舉才謀簡濟早有休問齒于英
游自解巾昌辰東帶榮序文飾吏而毋害績當官而可

底三歲會課我朝彝章矧更縣道之勤宜副田曹之務
益服賢志用光郎選可

太常博士牛圭可尚書屯田員外郎制

敕具官牛圭曩修辭誠游効官職比階司蒞之籍出尹
象雷之封間被臺符移贊州事緬是封略雜于民夷治
無殿科歲有遷格宜因覈課之審卽寵爲郎之拜尚仍
所莅勉集後勞可

尚書祠部員外郎崇文院檢討天章閣侍講王宗
道可尚書度支員外郎制

敕具官王宗道被服儒猷祇勤官次早用士林之選首
從王邸之招員在胄庠職兼書館多歷年籥進備朝簪
屬開講道之筵俾預敷經之列躋緣內閣參訂露門帖
以寵名志在榮遇而宗英剡奏學肆叙勞且冀稍遷重
違所請宜改承于郎務益詳究于典言曷爾清修對我
甄獎可

前權相州觀察支使郟慕清可檢校尚書水部員
外郎制

敕具官郟慕清國家竣事東耕均禧庶品官無內外賞

有彝常以爾從辟廉車累勞仕籍方茲展體慶乃丁辰
宜視秩子郎曹用圖勤于幕畫可

授柴宗慶開府儀同三司依前檢校太師同中書
門下平章事武成軍節度使駙馬都尉加食邑實

封制

門下朕丕承先謨恭恤明祀獲執牲幣祇見神祇適當
拜胙之成思均與物之況矧余右戚參視貴臺久擁旌
旄之雄時勤屏翰之績不有異數疇聳庶邦具官柴宗
慶淳固蹈常柔嘉廣業地承代闕之舊才對肅雍之華

能興乃宗遂膺斯仕以藩侯而奉朝請多歷歲時因元
帥以敦詩書自恬風素逮兼槐席之重出臨棠舍之封
允迪惠和且宣條教屬禋嚴之誕布率貢品以惟寅身
雖守藩志則存闕忠劬並劬戩祿爾宜是用冠文階之
崇優食采之典茂厥真賦濟于壯猷於戲天秩之隆非
式禮而奚敘公餼之荷惟持滿而克安益服令圖往卽
榮次授受之戒可不勉歟可

授陳堯佐光祿大夫依前檢校太傅同中書門下
平章事淮康軍節度使加食邑實封制

元憲集 卷之五 十一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

門下薦誠類帝所以格三靈之和均禧拜胙所以優四海之澤倚吾舊老之雋方制中權之雄兼榮鉉臺參殿寰服禮成第賞朝論攸歸具官陳堯佐志意冲夷風槩高劭抗心希古學有本原展體首公政多緣飾逮事列聖目爲名臣淩階謨猷遂翊機柄洎入正于槐路實增煥于袞章曩雖內解政樞寵頒齋鉞仍宰庭視品之峻冠友邦維翰之良賢勞並均體貌無改升禋已事布號崇朝宜增命數之繁且昭貺施之普崇階馭貴多邑衍封益以實租會爲異渥於戲天錫之祉余弗敢專師僉

之諧疇可虛授往虔誕告之寵益契同寅之懷矧在耆明無假多諭可

授鄭守忠光祿大夫依前檢校戶部尚書寧遠軍節度使殿前副都指揮使加食邑實封制

門下王者受釐于天理弗專饗疏爵于位勸必有功粵惟將臣翊我齋輅勞施伊始均福攸同聿圖剛辰參布明命具官鄭守忠性尚淵濟才質臙果感會亨旦策發壯猷多通兵技之學早著和門之業洵書勲籍久服禁屯或訓練徒兵或董齊越騎進階征鉞之重遂司交戟

之嚴夙夜靡渝親寄無貳屬圖郊類躬展國容實提北
落之師來備甘泉之仗導迎街蹕循徼巖廬大禮克成
寢威有助宜酬從祀之恪允昭進律之文特峻貴階載
陪多邑仍真幹食僉允朝言於戲善保者位高而安能
力者道遠而勵曾是異數乎于厥勞往哉汝諧毋替終
譽可

授楊崇勳開府儀同三司依前檢校太尉河陽三
城節度使加食邑實封制

門下朕奉事天明肅祇郊配內則公卿顯相率禮不愆

外則岳牧協恭以職來助馨德昭鬯鴻釐普臻爰洽揚
庭之恩用褒維屏之寄具官楊崇勳精忠以力沈毅而
和早會聖期號爲慎將休有成績播于公言寢酬武幹
之庸正司機務之柄告猷克壯廣業彌勤逮倚陪京之
藩存易均賢之地而能恪守侯度允藝貢常交撫大邦
之人并蒙中甸之福屬茲第賞協乃懋功是用訂公府
之儀增采地之數仍因真食俾衍故封朝謀僉承獎策
參備於戲惟帝錫祉有格來之藩惟辟申恩有厚往之
報宜循進等之授益寵于宣之良往對光亨無煩訓諭

可

授荆王依前守太師尚書令兼中書令行荊州揚州牧荆南淮南節度大使加食邑實封功臣制

門下協邦惇族義炳唐篇受朕展親道光姬室矧宗盟莫二之地羣辟相維之尊屬舉鴻儀載均順福襲外事用剛之吉稽異姓爲後之常特推茂恩告于有位推誠保順同德協恭贊治崇仁亮節守正佐運翊戴功臣荆南淮南節度大使管內觀察處置等使開府儀同三司守太師尚書令兼中書令行荊州揚州牧上柱國荆王

食邑二萬五千戶食實封一萬一千二百戶賜入朝不
綈劔履上殿詔書不名元儼器範凝邈志懷淳暢連輝
皇緒育德懿藩早膺無戲之封日爲最樂之善茂分寶
玉參擁麾旄官序百僚之師爵窮五等之貴雖洊加殊
禮獨冠寵名而居盈益冲秉節彌亮率我宗裔保于燕
謀陽郊受釐端闕敷號眷言信厚之長宜廣陪敦之恩
是用卽褒功之華增異數之稱衍采地于多邑優幹食
于真封克綏壯猷度越常檢於戲立愛惟始庸樹庇根
之強涵澤旣優滋同拜胙之祝國論惟允家情亦隆欽

懷永圖以屏王室可授依前守太師尚書令兼中書令
行荊州揚州收充荆南淮南節度大使管內觀察處置
等使荆王賜入朝不趨劔履上殿詔書不名加食邑一
千戶食實封六百戶仍賜推誠保順同德協恭宣忠贊
治崇仁亮節守正佐運翊戴功臣散官勳如故主者施
行

京東路轉運使尚書刑部員外郎直史館韓瀆可
尚書兵部員外郎尚書屯田員外郎通判池州尚
書可尚書都官員外郎國子博士知越州餘姚縣

劉緯可尚書水部員外郎制

敕具官韓瀆等或茂材爲郎或華蔭通籍瀆以帖職史
館有將漕之勤咸以累課吏資有倅州之敏緯則積階
胄席假領縣章以年以勞並允遷秩今按中兵都隸及
司川之職皆右劇也宜卽授而寵之勉圖後庸無廢余
典可

保慶皇太后叔母蓋氏追封榮國太夫人制

敕朕稽若邦猷輯和孝治因先朝淑德之輔正永樂徽
名之尊禮旣具揚恩亦惟厚追賚外戚率緣慈懷保慶

太后叔母追封榮國太夫人蓋氏世德蘊靈女師蹈訓
協濟中範作合令人盡潔志于祭纛流順教于家闈雖
景命近止而慶祚有開叙親中闈實曰諸母絜盛儀之
允備宜先澤以載露俾易舊封且光大國鈿釵增數湯
沐衍封告于九京尚或歆寵可

皇叔荆王亡妻張氏可追封魏國夫人制

敕夫德高內助則維巢之詠與命或弗承則飾壤之恩
篤矧惟近屬倏構冥災懿範未淪徽章有典具官荆王
亡妻晉國夫人張氏華基茂緒淑操芳猷動合琦璜之

音居遵圖史之誠早膺盛禮作配英藩躬婦順而弗渝
佐宗事而允恪游疏大國參緝寵儀方憑無遂之賢永
贊維寧之盛何圖奄忽遽隔幽明生而有涯心焉增悼
宜正名于寶魏且紆痛于幽泉密印鈿函尚茲歆服可
齊國夫人許氏進封晉國夫人制

救竭誠均愛久則彌彰報德推恩厚而無斁齊國夫人
許氏性鍾淑詰行服閒和早祇事于掖庭首效勤于甲
觀克圖善育本出至慈忠存襁褓之辰譽訂山河之懿
鼎雖游疏湯邑增衍國田酬推燥之夙功美居謙之令

躅質于舊典猶缺美名宜追保佑之力更益褒華之稱
茲爲異數無替冲猷可

故宮正紀國夫人郭氏追封尚宮制

敕宮正紀國夫人郭氏早鍾柔操參備後庭善服矩儀
多歷時序寢服宮闈之秩洵疏湯沐之封式寵懿猷遽
淪徂景華聯有等遺範可懷特舉褒優尚慰冥漠可

典簿張氏進封宮正勾當大內公事掌絲李氏進
封典言同知尚書省事御侍永樂縣君武氏進封
典寶落御侍御侍長安縣君王氏進封掌寶落御

侍制

敕典簿張氏等婉孌自修禁嚴被選早奉宮掖之列屢
更歲籥之華宜緣久勞稍遷秘掌益圖恭靖以對褒榮
可

掌醞許氏進封司記聽宣許氏進封典言制

敕掌醞許氏等性服恭柔地承嚴禁克祇乃事無懈攸
箴宜酬宮巷之勞進掌掖庭之局益思勤勉用對寵嘉
可

帥臣鄭守忠高化石元孫追封母制

元憲集 卷三十一
十一
敕乃者祇被陽郊別獻坤廟內循明發之感均愴靡依
之懷矧余帥臣追悼慈育宜錫榮號以寵孝思具官姓
某亡母累贈某郡太君某氏躬稟柔媚踐循法度早奉
金夫之懿實生雲將之賢志達五經任隆三衛慨鼎茵
之弗逮追湯沐以游加及是展儀允當均福進啓郡田
之數再紓子舍之哀緝禮禋章參詔冥漠可

御史中丞杜衍亡母追封京兆郡太君制

敕郊之報也均福以惠下推恩以篤親本孝慈之所從
罄幽顯而率治曰予端士參總憲綱緬懷劬勞增厚褒

恤以爾具官杜衍亡母廣陵郡太君盛氏柔媚其德溫
靚其容毓慶清修之門來嬪良奧之室勤助賓祭輯和
宗姻婉訓有基令子是似漸徙宅之教卒成善名副專
席之求游咨直質曩緣顧復之義屢延封賞之科及今
相儀當用申獎繇淮海之奧徙咸鎬之都寶鈿芝函往
告幽窆可

入內內侍省押班岑守素母進封郡太君制

敕具官岑守素母河南縣太君梁氏肇毓慶宗有行茂
族早助金夫之懿入參貂省之華載服闈風遂流家檢

實鍾令嗣列我信臣能豐祿以逮親屢賜田而啓邑且陳奏牘罄序孝心願從禰室之榮冀益封君之數嘉其誠慤進厥等威疏郡寵名循陔美志勉膺優渥永渙徽柔可

文思使知府州折繼宣母進封郡太君制

敕具官折繼宣母信都縣君劉氏稟和慶族作儷勲門曩勸義于金夫甫疏榮于石窳實生令嗣克襲先封道茂壺儀訓覃忠教方劭綏邊之績更張及養之勤瑞福溥均劬勞有請宜因本郡超正寵名且慰高堂之歡用

光象服之等可

兩省妻封縣君制

敕朕乃者升禪紫宮麗澤南闕因考庸懋賞之典廣視品從夫之封寵于朝倫寔有恩限以爾具官某妻某氏慶靈辨族閒婉飭躬資于多儀儷乃良士蹈無攸之戒旣式爾宗助有爲之賢方幹余蠱均禧在旦疏邑開榮姑命澤田之羞且光象服之數可

朝臣妻封縣君制

敕國家禮成陽郊賞均大令蓋由通籍而上更延及室

之恩所以獎首公褒內助也以爾具官某妻某氏高華
辨族幽閒賦質允服盛禮來嬪令人序陟廣朝之聯勤
經敏政之業迹其輔佐宜乃寵嘉俾開湯沐之封且光
簪鈿之等可

帥臣鄭守忠高化石元孫妻進封郡君制

救朕屬者謹郊報之常稽禮文之變茂對三后平施萬
邦既敘臣工之勞復延伉儷之寵所以貴從夫而恩及
室也具官某妻某郡君某氏慶靈辨族閒婉飭躬資于
多儀式是良匹蹈無攸之戒既克家肥助有爲之賢實

參戎重均禧在旦增邑有常宜易郡田之封益光宗事
之懿可

御侍苗氏進封郡君依前御侍制

救御侍苗氏早以良家入充近掖能蹈邕柔之範亟參
進對之華備位小星方隆淑問啓封大邑宜寵徽恩往
膺湯沐之榮益劭宮闈之訓可

入內都知王惟忠亡妻范氏追封郡君制

敕具官某妻高平縣君范氏憑後慶宗蹈和柔訓夙奉
有行之禮載稱無遂之賢輔乃金夫列我貂省嚮酬勞

于侍幄亟延寵于封君懿範式彰冥災奄及眷邇臣之
悼往宜卹禮之有加郡壤升名泉塗滲澤厥章渥數尚
慰幽魂可

參政樞密母追封郡夫人制

敕朕乃者祇祓陽郊別獻坤廟雖陟配有序而明發載
懷內村孝心之虔實均子道之感爰因贊福咸及顯親
以爾具官某母某郡夫人某氏性本柔明行兼法度始
循婦德終繼壺慈擁育邇臣踐揚膺仕寢逮累茵之貴
已隔安輿之歡永慕所鍾賁章前渥訖茲大賚允若重

封井賦賁于泉路慰乃棘心可

參知政事宋綬外祖母追封郡夫人制

敕夫尊賢于朝則儀品備重延賞于室則封號並隆既
穆人倫之端兼懷逝者之作所以篤家情而渥王澤也
故具官王徽之妻故太原郡君王氏女德純茂世靈華
衍早邁良匹協樹善猷繫天昌之能賢邁皇揆而稱首
實荷先顧光服近僚惟時賜田已被柔壺永從如日之
誓終乏克家之孤移祉外孫參我良弼具上前烈深軫
朕衷方衷庸于舊臣宜均寵于齊體且因本郡特正順

名厥章鈿函往賁幽安可

晉錄云涼州之屬縣也其地有山曰崑崙山其水曰崑崙水

崑崙山在涼州之西其水出崑崙山而流于西

崑崙山在涼州之西其水出崑崙山而流于西

崑崙山在涼州之西其水出崑崙山而流于西

崑崙山在涼州之西其水出崑崙山而流于西

崑崙山在涼州之西其水出崑崙山而流于西

崑崙山在涼州之西其水出崑崙山而流于西

元憲集卷三十六

崑崙山



